

光緒永嘉縣志

永嘉縣志卷之一

輿地志一

溫在浙東號爲名郡而永嘉倚郭爲縣廣輪二三百里東南際大海西北阻羣山襟江帶湖綺壤繡錯水陸之美無不饒衍蓋東南一都會矣然而南通閩越北接台括使車絡繹商旅輻輳公私亦少困焉往者謝康樂爲郡好游名山由是此邦山水聞於天下天下之士行過是邦者亦莫不俯仰留連吟咏不輟以詫其勝今故略爲採掇附之此篇而以水利海塘殿焉若乃建置沿革所以通古今也星土分野所以通天地也謹詳稽史乘以冠於篇云

沿革

溫台處三府三代時蓋甌國漢時則章安一縣及順帝析置永嘉而台始自爲縣孫策析置松陽而處始自爲縣吳大帝析置羅陽而瑞平泰三邑始別爲一縣然而郡治仍在章安郡名仍屬臨海也至晉明帝立永嘉郡領永嘉安固橫陽松陽四縣則合溫處爲一郡而台始自爲郡矣孝武置樂成縣而永嘉始自爲縣蓋卽今之永嘉縣境也宋齊梁陳因而不變隋平陳改永嘉爲永嘉廢永嘉臨海二郡立處州尋改括州溫台皆屬焉是時縣境實兼今溫州一府之地猶孫策時之永嘉也唐

平隋以縣置東嘉州并析置永寧安固橫陽樂成四縣則永嘉一縣分爲二縣矣武德七年省樂成入永嘉則永嘉一縣雖兼樂清而西溪柘溪二鄉蓋猶屬永寧也太宗貞觀元年廢東嘉州省橫陽永寧以永嘉安固隸枯州是時縣境猶吳大帝時之永寧也高宗上元元年析永嘉安固置温州而州名始定武后載初元年復置樂成而縣境始定歷五代宋元明以及國朝蓋千百九十年於茲矣以夏商之故國爲漢唐之舊縣其故家遺俗流風餘韻必有度越於他邦者既稽前史譜其大略尤願與都人士詳徵其文獻焉

歷代

縣境

縣所屬

縣所隸

夏

甌地山海經甌居海中郭璞注今臨海永寧縣即東甌在岐海中

越吳越春秋少康恐禹祭之絕祀乃封其庶子於越號曰無余

揚州書禹貢淮海惟揚州孔安國傳北據淮東距海

商

仍逸周書王會解伊尹朝獻商書正東有漚深越漚鬚髮文身王應麟補注漚深即甌也漚亦甌也

仍王會解越漚見上王應麟補注越禹之苗裔封會稽

仍爾雅釋地江南曰揚州郭璞注自江南至海經典釋文爾雅所言李郭以爲殷制

周

仍王會解有東越歐人於越且甌案王應麟本作甌人甌今

仍王會解於越見上王應麟補注春秋三書於越漢書于越

仍周禮夏官職揚州案疆域與禹貢同

	東周春秋	
<p>戰國</p> <p>東越地<small>史記越世家</small>楚威王大敗越殺王無疆盡取故吳地至浙江而越以此散諸族子爭立或為王或為君濱於江南海上服朝於楚東越閩君皆</p>	<p>仍<small>國語越語句踐之地南至</small>於句無是句無以南仍甌地也</p>	<p>溫州永嘉縣與注于發語聲地廣記溫台處皆東甌也</p>
<p>楚<small>越世家服朝於楚見上</small></p>	<p>仍</p>	<p>注于發語聲</p>
	<p>廢<small>案三代設州各有所牧伯春秋以後政在諸侯州遂廢矣至漢武帝始復置</small></p>	

其後也

秦

仍史記東越列傳閩越王無諸及越東海王搖者其先皆越王句踐之後也秦已并天下皆廢為君長以其地為閩中郡案廢為君長蓋貶其位號而未嘗奪取其地也

漢高帝

仍案是時搖雖未封其地當仍為所有故孝惠因而立之非奪諸閩越而予之也閩越東越列傳漢五年立閩越王閩中故地都東治

惠帝

東甌地東越列傳

吳國漢書地理志

三年舉高帝時

高帝六年為荆

越功日閩君搖

國十二年更名

功多其民便附

吳史記東越列

乃立搖為東海

傳孝景三年吳

王都東甌世俗

王濞反東甌從

號為東甌王

吳及吳破東甌

受漢購殺吳王

武帝

廢年史記建元三年

會稽郡景帝置

揚州元封五年

國徙中國乃悉

十四治吳案

無治所武帝置

舉眾來處江淮

會稽典錄劉賈

獻通考武帝置

之間案是時其

為荆王賈為英

十三州部刺史

地當改屬閩越

布所殺又以劉

成帝綏和元年

至建元六年閩

漢為吳王景帝

更為牧哀帝建

越王郢誅立無

四年漢反誅乃

平二年復為刺

諸孫繇君丑為

復為郡治於吳

史元封二年復

越繇王立郢弟

見三國志虞翻

為牧



餘善為東越王傳裴注

是時其地當仍  
屬東越元封元  
年越衍侯吳陽  
建成侯敖繇王  
居股俱殺餘善  
以其眾降詔軍  
吏皆將其民徙  
處江淮間東越  
地遂虛

昭帝

回浦縣地

太平御覽

仍

東部都尉治

浦案漢志

回浦下注云

南都尉治

會稽典錄云

東部都尉治

治二說並誤

始元二年以東  
甌地為回浦縣  
案兼有今溫台  
二府及處州松  
陽等七縣地

仍

順帝	永寧縣地 <small>續漢志</small>	仍 <small>治山陰領縣</small>	仍 <small>刺史郡六</small>
東漢光武	章安縣地 <small>後漢書</small> 登傳 <small>注</small> 章安本 名同浦光武改 爲章安案續 漢書郡國志章 安故治閩越地 光武更名劉昭 注晉太康記曰 本鄞縣南之回 浦鄉章帝章和 元年立案太康 記言是	仍 <small>治吳</small> 仍 <small>治章安</small> 仍 <small>會稽典錄</small> 元鼎五年除 東越以其地 爲治立東部 都尉後徙章 安又徙治鄞 後徙句章宋 書州郡志前 漢都尉治鄞 後漢徙治章 安二說不同 未詳孰是	仍 <small>揚州牧</small> 仍 <small>治歷陽</small> 案後漢書建武 十八年罷州牧 置刺史靈帝中 平五年改刺史 新置牧

寧永和三年以四年分會稽爲  
章安縣東甌鄉吳郡會稽移治  
爲縣宋書州郡山陰見後漢書  
志永寧合漢順及宋志

帝永建四年分  
章安東甌鄉立  
或云順帝永和  
三年立案兼  
有今温州一府  
及處州松陽等  
七縣地

獻帝

仍興平中孫策  
析章安永寧

仍

仍牧  
統郡九

置松陽始平見  
宋志及赤城志  
案是時永寧僅  
有今温州五縣  
之地矣

三國吳

仍大帝赤烏二年析永寧置

臨海郡治章安領縣六

仍刺史治建業

羅陽縣見永寧志案是時永

孫亮太平二年以會稽東部為

案大帝時統郡七孫亮時九孫

志寧僅有今永嘉樂清二縣地

臨海郡見三國志

休時十孫皓時十四詳宋志

晉

仍

仍統縣八章安臨海始豐永

仍統郡十八

寧海松陽安固橫陽見晉地理志

東晉

永寧縣晉書地理志云

永嘉郡治永寧

仍統郡十一

孝武寧康二年分永寧置樂成案是時縣境與今同

明帝太寧元年分臨海立永嘉郡統永寧安固松陽橫陽四縣見晉志案寧康以後統縣五兼



梁高祖

仍

仍

東揚州

統郡八

梁書高祖紀通五年分揚州置東揚州

敬帝

仍

仍

揚州敬帝太平元年置東揚州併入揚州見梁書

陳

仍

仍

東揚州統郡八

陳書文帝紀天嘉三年以會稽東陽臨海永嘉新安新置建安八郡置東揚州

隋文帝

永嘉縣地

隋書地理

處州

開皇九年置治括蒼

吳州

治會稽開皇九年

志舊曰永寧置

永嘉郡平陳郡

廢縣改名焉有

芙蓉山案是時

諸縣並省永嘉

兼有今温州五

縣地芙蓉山蓋

卽雁宕山

煬帝

仍

栢州

十二年改

平陳改東揚州

爲吳州置總管

府隸揚州大總

管府見隋書

永嘉郡

仍治栢

揚州

刺史統郡

開皇三年罷郡

大業元年置

以州統縣大業

初復罷州置郡

見通考隋志

統縣四栢蒼永

嘉松陽臨海蓋

兼有今温台處

三府地

唐高祖

永嘉永寧二縣

東嘉州

唐書地理志永

栢州

武德四年改郡爲州

武德 七年	太宗	高宗	武后
案江北有地名 新城相傳為唐 初立縣之所 仍省樂成入永 嘉	永嘉縣地是時 仍兼有樂清地 永嘉	仍	永嘉縣上 載初元年復置 樂成自是以後 縣境皆與今同
嘉武德五年以 縣置東嘉州并 析置永靈安固 橫陽樂成四縣 仍	梧州唐志貞觀 元年州廢 省橫陽永靈以 永嘉安固隸梧 州	温州領縣二	仍領縣四案 大足元年析 安固復置橫陽
以永嘉郡為梧 州置總管府管 松台東嘉三州 見舊唐書 仍改總管為都 督府	江南道治蘇州 貞觀 元年分天下為 十道	仍	仍



元宗

仍

永嘉郡天寶元年改州  
為郡刺史為太守

江南東道開元二十一年置十五採訪使此為江南東道仍治蘇州

肅宗

仍

温州乾元元年復為州寶應元年建靜海軍使並統台州明州

浙江東道乾元元年置節度使領州八治越州見唐書方鎮表

代宗

仍

仍大曆二年廢軍使僖宗時復置軍使

浙江西道大曆五年廢節度使十四年改隸西道觀察使治宣州建中二年置節度使治潤州尋號鎮海軍

德宗

仍

仍

浙江東道  
貞元三年

復分浙東西為

二道中和三年

升浙江東道觀

察使為義勝軍

僖宗光啓三年

改威勝軍昭宗

乾寧三年改鎮

東軍俱治越州

五代吳越

仍

仍  
十國春秋地  
理志溫州領

徐無黨曰

自唐乾寧

二年為鎮

海鎮東軍

節度使兼

有兩浙至

宋太平興

國三年國

靜海軍  
晉天福四年升

溫州為靜海軍

節度見十國春

秋藩鎮表

平陽樂清瑞安

縣四永嘉瑞安

縣四永嘉瑞安

縣四永嘉瑞安

縣四永嘉瑞安

縣四永嘉瑞安

縣四永嘉瑞安

之書系三

卷之二

輿地沿革

九

除凡八十  
四年

宋太宗

仍緊

徽宗

仍

高宗

仍

度宗

仍

温州宋史地理志太平興

兩浙路案北宋

國三年温州降  
為軍縣四永嘉  
平陽瑞安樂清

分至南宋始定  
為東路領紹興  
慶元瑞安三府  
婺台衢處四州  
見宋志

應道軍政和七年

仍

應道軍節度

温州建炎三年

兩浙東路

瑞安府咸淳元年

仍

宗潛邸升為府  
見宋志

元

仍上倚  
郭

明

仍倚

温州路上

至元十三年改  
為温州路領縣  
二永嘉樂清州  
二瑞安平陽見  
元史地理志

江浙行省治杭  
州路

浙東道宣慰司元

治婺州大德  
六年移治慶  
元見元志

温州府明志洪  
武初為

浙江布政使司  
領府十一

府領縣五西北  
距布政使司八  
百九十里永嘉  
瑞安樂清平陽  
泰順案泰順  
景泰三年以瑞  
安縣羅洋鎮置  
析平陽縣地益  
之洪武初温州  
府實領縣四明

溫處道

分守溫處道  
駐省起永樂  
間兵道之設  
昉自洪熙間  
見明志嘉靖  
中設按察司

輿地沿革

志舉其終數之

僉事駐處州  
後改駐温州

國朝

仍

順治三年七月  
始入版圖

仍領縣五

雍正六年設王  
府環廳附隸温州

仍領府十一

仍康熙六年  
設裁九年復

星野

自周禮保章氏以星土辨九州之地所封之域皆有分  
星以觀妖祥歷代史志因之蓋仰以觀於天文俯以察  
於地理二者相須不可廢也永嘉為古甌國在禹貢揚  
州之域分野之次固當以星紀為斷其宿為斗牽牛見爾雅  
於辰在丑晉天文志隋地理志謂之赤奮若於律為黃鐘斗建  
在子續漢郡國志劉昭注引帝王世紀南斗為天梁第二星北斗為權  
星第四星也三台為司命下星天市垣為吳越星十二國為  
越星俱詳宋史天文志候在熒惑五星之一屬火占於鳥衡即玉衡北斗第六星  
也見史記天官書十千為丙十二支為戊日在丁巳見漢天文志及續漢

志前史記之詳矣然皆揚州之所共也若乃在翼南者有東甌五星温州雖得專而有之而今已隱而不見志書所引殆虛談耳惟地有緯度卽北極高度以準南北可考太陽出入晝夜長短時刻之真又有經度以京師爲正中其地偏東偏西可考節氣時刻先後之實此官民所共用載於時憲書者以上乾隆府志是乃一縣之所獨也今故略舉分星之說而以北極出地之度著於篇

晉書地理志春秋元命苞云牽牛流爲揚州分爲越國

晉書天文志翼南五星曰東區蠻夷星也

案東區卽東甌古以甌越爲蠻

夷故云然

宋史天文志東甌五星在翼南天文錄曰東甌東越也今

永嘉郡永嘉縣是也案東甌五星晉志在二十八宿之

外乾象新書屬張宿武密書屬翼宿與步天歌合案隋

子步天歌五箇黑星翼下頭欲知名字是東甌宋史東甌五星距西南星去極一百二十九度入張宿七度

舊浙江通志古測温州斗牛分野今測温州斗六度

舊志引內緯秘言斗二十一度永嘉瑞安二縣入五外之七藏書集要東甌温州府斗十四度丑宮附識俟攷

舊志永嘉屬牽牛四度案晉天文志會稽入牛一度今考永嘉在會稽南九百餘里當移三

度舊志蓋以意測之而為是說歟

皇輿圖温州府治永嘉縣北極高二十八度府志杭州省城北極高三

十度餘數分則溫在杭南徑六經度偏東四度餘數分



〔府志〕杭城係偏東三度餘數分則溫視杭爲稍東半度節氣又略先矣〔張作楠揣籌小錄〕

温州永嘉縣北極高二十八度經度偏東四度二十一

分

此與皇輿表同而所測小分較詳

疆域 形勝附

自晉孝武分永嘉置樂成縣而疆域已定隋平陳廢安固樂成橫陽并入永嘉而一縣兼今五縣之地矣唐高祖於永嘉置州并析置永嘉安固橫陽樂成而一縣分爲二縣之地矣後省樂成尋省永嘉皆并入永嘉至武后載初元年復置樂成而永嘉之疆域於是大定迄今千百餘年未有改焉謹依舊志敘其四至八到及距省達京之程而形勝附焉以視古者諸侯百里之國不尤壯乎哉申畫郊圻慎固封守良有司職也可不慎歟永嘉縣倚温州府城爲首邑在浙江布政司南一千八十

五里北至

京師四千六百九十里

縣境東西廣一百六十九里南北袤三百二十里

東至海七十里

西至安溪九十里爲處州府青田縣界

自界到青田縣三十里按兩浙

輿圖永嘉縣西北通青田縣水路一百二十里

南至麗塘嶺三十里爲瑞安縣界

自界到瑞安縣五十里

北至柸溪箬嶺三百里爲台州府仙居縣界

自界到仙居縣五十里

東南到大海一百里

西南到桐嶺瑞安縣界三十五里

自界到瑞安縣六十七里

東北到館頭樂清縣界三十里

自界到樂清縣五十里按輿圖永嘉東北陸路

八十里則館頭交界止三十里實也嘉靖志誤作五十五里舊志誤作五十里今依舊府志

西北到青田縣界一百里

自界到青田縣二十里

### 形勝

〔邱遲永嘉郡教〕控山帶海利兼水陸東南之沃壤一都

之巨會

〔元史地理志〕東界鉅海西際重山

〔方輿勝覽〕當甌越之衝負山海之隘

〔王瓚府志序〕溫在浙東極處枕江界溟天設奇勝

鄧淮府志序浙十有一郡溫獨遠枕閩福控台括依山  
爲城環海爲池

舊浙江通志枏溪太平險要扼絕江繞郡城東與海會  
斗山錯立寇不能入

明史地理志西有岷岡山又有鐵腸嶺南有大羅山東  
濱海又永甯江在城北自括蒼諸溪匯流入府界東  
注於海江中有孤嶼山與北岸羅浮相望

永嘉縣志卷之二

輿地志二

山川

敘山

甌始見於山經王會古矣自漢東甌王受封肇闢榛蕪  
遂爲海邦一都會而山無聞焉晉宋以來郭景純相度  
斗城而華蓋松臺之名始著謝康樂宦游茲土而孤嶼  
綠嶂之作以傳嗣是游屐所經尋幽選勝永嘉遂爲山  
水窟宅物之顯晦信有時哉前志分城內外諸山而於  
遠近方隅不盡依次類敘今擬仿禹貢導山之文而西

二利義舉卷之六  
二  
相兩溪重岡複嶺雖生長於斯者其於山之脈絡大勢亦未能條分縷析惟有撮其大綱粗舉要領先城內次城外次四境諸山自東而南而西而北各據里數之遠近爲先後而以海中諸山終焉

嘉靖志曰永嘉之山來自閩中至查田而分在甌江之南者凡三大支其北一支自上戍至渚浦沿江東行環列九山結郡城稍南爲暘輿西山西南爲三溪岷岡及華亭諸山皆其派也中一支自桐嶺折而東爲吹臺慈湖諸山至漁潭穿水過峽重起爲大羅山磅礴數十里至永嘉場見海而止南一支亦自桐嶺而分迤邐東南行結瑞安縣其

郡城江北諸山盡於羅浮其在江東北者盡於挂綵強奧  
上通台之黃巖仙居處之青田縉雲雖有枏溪中界要其  
原則皆相聯屬也

綱 城內七山正東爲華蓋山東南爲積穀山西南爲松  
臺山西北爲郭公山東北爲海壇山皆城跨其上海壇之  
南爲慈山城之中有小阜爲中山

華蓋山 在縣治正東一名東山城跨其上郡城九斗山  
此山鎖其口有容成太玉洞道書謂天下第十八洞天  
有三生石五粒松青牛鳴丹井蒙泉諸勝山迴九里去  
城一遙望似華蓋故名有湧泉旱潦如一巔有金雞嶺



元朱蓋鏞平以建道院峰下有一清泉甘冽可愈熱疾

二統志元和志袁宇記方輿紀要天下名勝志嘉靖志

乾隆志湯志宋謝靈運郡東山望海詩開春獻初歲

白日悠悠蕩志將愉樂瞰海庶忘憂策馬步蘭皋縹

控息椒耶采蕙遵大薄寧若履長洲白花晴陽林紫舊

咍春流非徒不弭忘覽物情彌迺萱蘇始無慰寂寞終

可求唐張又新詩一岫坡陀凝綠草千重虛翠透紅

霞愁來始上消歸思見盡江城數百家宋楊蟠詩七

山如北斗城鎖幾重重斗口在何處正當華蓋峰陳

謙詩塵隱樂東山林高撼翠寒雲藏安石館竹掃葛仙

壇徑繞泉鳴壑天低月近欄秋風扶杖履漉酒助君歡

元許謙詩羣山如斗形華蓋氣獨壯奮身地勢高極

目天宇曠週迴萬象澄一一來獻狀中江漾孤嶼瀕海

橫疊嶂樓臺市中居棋列相背向烈風攪蒼林落日鳴

白浪蜃氣薄浮雲溟濛杳東望長濠浸寒水短棹起漁

唱同遊豈特達竟爾忘得喪山下出蒙泉夷坐待清漲

一掬襟懷空自謂羲皇上明周易詩日落千峰生紫

煙潮回雙嶼媚平川春風鼓角花邊起夕檻星河竹裏

懸香閣玲瓏開福地紫巖奔墮失靈泉郭仙謝老俱黃

土千載誰人復此筵  
 鹿城曉入青牛鳴長嘯  
 之彪詩鹿城高峙大觀亭  
 僧掌合列山遙對佛頭青  
 露遠汀莫訝波濤天際湧  
 應仕詩華陽何秀絕初日  
 入煙高林宜閣望幽徑與  
 妍劉德新詩危亭俯眺大  
 派洪流連渤海九峰翠色  
 對煙雲獨有情欲訪容成  
 張元彪登東山懷謝公詩  
 目謝夢擾峭蒨適幽玩雲  
 停岸舫山作當窗案游絲  
 輕穀行行文魚貫暝色薄  
 加碎金影零亂鱗次郭中  
 轟轟露高觀縱非鼇極跨  
 溟入霄漢人物既代謝俛  
 弄柔翰遷斥返窮海龍媒  
 南難諄諄頌祖德志氣何  
 幹軒冕惡緇塵林巒喜拳  
 慢默默思淵沈稜稜愈風

國朝朱彝尊青牛塢詩我行白  
 司李潘

嗟哉春草吟無乃廣陵散  
孫擴圖東山懷古詩獨坐東山懷謝客吟心合與古人論龍蛇變化失鱗爪草樹萌芽有本根池畔詩魂呼不起夢中句意至今存從期蠟屐新晴後一上峯巔望海門

積穀山 在縣治東南隅城跨其上山形圓正如高廩故

名去子城二里上有留雲亭麓有春草池南有飛霞洞晉邑

人劉根隱此又名飛霞山俗呼小赤壁山有昇臺謝客

巖諸遺跡周行已於此建東山堂寰宇記名勝志萬厯志舊府志湯志宋

翁卷登飛霞山詩局居厭紛叢蕩志尋嶇嶇拂衣出城隅杖策循湖陰何年彼真仙遺宮寄幽岑連樹窈蒙密

靈洞疑虛沈攀條承鮮麗立石弄澄深眺矚增殊歡起忽捐煩滌美人逝雲遠青草疇與吟感昔興重嗟會意

良在今山公悅崇資嵇氏陶清音保真道無違逐欲情易淫顧乏安期姿華鬢能不侵雖非向子賢倘遂畢娶

心國朝孫擴圖登飛霞洞詩楓林黃嫩橋林嬌乘興尋僧問酒瓢山雨來時剛到寺溪花隔處曲通橋鳴行

且立犁牛背峰好疑迴倩女腰薄醉人扶陰磴滑天風  
海色晚來潮王夢篆飛霞洞詩半壁飛霞洞臨河背  
女牆高樓爭雄堞老樹出僧房橋爲游人設船看過客  
忙憑闌資詠眺得句已殘陽明劉恆謝巖觀二篆刻  
記青石碑在巖背篆刻有二其一云棘寺薛孺卿邑宰  
陳口之簿曹觀尉口汶字方四寸許其一云鐸自庚辰  
載領郡於康樂巖重創亭臺遍植花柳兼華蓋山畔建  
置菓園口口口口添奇口時甲申歲清明日彭城輔軒  
記以示後來凡六行字參差不等蓋縮於石鏤其小者  
可方前篆也先是是刻予止識三十二字家兄識予所  
不識者一十四字鐸字初止見半金而華彷彿如重或  
疑爲鐸詳其文勢必當時所刻創亭臺者名其不刻姓  
氏者以後彭城郡可互見也因其有領郡之云以郡志  
考之得唐刺史錢鐸而錢實彭城郡於是疑向所疑鐸  
爲鐸猶未敢必按鐸在咸通中於西岑建瑞鹿寺卽崇  
法教院也鐸舊志作華予考瑞鹿寺建於咸通四年因  
四年并是刻庚辰甲申之云以通鑑考之咸通元年庚  
辰五年甲申正與此合郡志中一字卽四年爾繇此推  
之輔軒蓋錢刺史字耳嘗問城南劉先生先生曰子考  
索詳矣但恐唐人無以軒居之額代己姓氏者大凡書

某軒某齋非古法也輔軒或即郡守姓名否則錢刺史  
記此而行文則出於輔軒未可知也予因劉先生之言  
又考吾郡秩官志實無輔姓軒名者竊意志或軼之七  
月八日丙寅復攜朱生道昌往視時日光注射多不模  
糊而所疑鍾字實鐸字於是知彭城乃錢刺史書其郡  
望耳而輔軒抑豈其字歟舊志鐸作華又以見志紀者  
之謬也謝嚴題刻多宋人筆而此則唐人云劉先生名  
翊博學能文章家兄名惲工篆書丙寅後三日劉恒記  
記後一百二十五日甲戌偶得圖繪寶鑑云錢鐸字輔  
軒武肅王兄也善丹青按此篇考證未確詳東甌金  
石志

松臺山 在縣治西又名淨光山城跨其上舊有塔寺唐

宿覺無相大師瘞此常有五雲覆之僖宗因賜寺名淨

光宋太宗賜為宿覺名山建炎四年高宗駐蹕州治以

寺為都堂麓有井即金泉最甘美方輿紀要名勝志康

沙井

熙志湯志

國朝朱

彝尊詩蒼蒼山上松  
雨松子落空山朝來不知處  
松根

郭公山 在縣治西北城跨其上晉郭璞登此卜城故名

上有富覽亭山巔曰金鎖嶺嘉靖志康熙志湯志唐張又新詩昔賢登步立神

洲氣象千年始一浮南望羣州如列宿北觀江水似龍虬  
國朝端木國瑚詩郭公山抱郭暇日每登游海雨  
城多井江風寺少樓鷗鷗沙岸暑橘  
柚野田秋向夕憐孤嶼中川雲自流

海壇山 在縣治東北亦名東山城跨其上坐鎮海門內

外最關郡治來龍去子城麓有白鹿菴國朝朱彝尊東山詩判向花

前醉何難典緼袍江南其支阜曰慈山有鶴林亭名勝春可樂策馬自蘭皋  
輿勝覽康熙志一統志乾隆志舊志江心童謠海

壇沙漲溫州出相宋陳宜中明黃淮張孚敬皆應之

中山 在鹿城書院側雖小阜係郡城主山上有亭久圯

國朝乾隆二十四年郡守李琬建中山書院於此乾隆府志

康熙府志云在府治後今在署內建瑞景樓於其南按今府署並無中山而李公中山亭記但云後有亭曰

中山則因其相近而名耳

綱 附城諸山東南為巽吉山其旁為黃土山正南為仁

王山其旁為覆釜山其西有回鶻山又西有金丹山又西

有翠微山其陽為太平山正北江中有孤嶼山

巽吉山 在城東南二里當郡治巽位山頂有塔世傳白

玉蟾控鶴於此建駐鶴亭萬厯府志康熙志湯志宋陳高送陸有章分題得巽山

詩巽山如層臺積翠俯城郭古木秀松櫛元鳥隱樓閣雨散飛素雲風靜語丹鶴游人日躋扳杖履相繹絡陸郎雲中來雅志訪邱壑哦詩松間題攜尊石上酌我性亦愛山方期結幽約於焉送子去登陟慘不樂遠別已

傷懷真境况寥落伫立睇大江孤舟入冥漠  
明知縣  
注循詩南郊拔地聳崔嵬絕頂孤亭亦壯哉駐鶴昔人  
何處去尋真他客此間來際天海色浮輕練落地松聲  
吼怒雷我有遐觀千古意倚闌惆悵首重回何白巽  
山懷白仙和洪從周韻詩一磴懸雲鑿翠通山腰清閣  
化人宮松聲泉響春容裏樹色河流蒼莽中明月於焉  
催駐鶴紫煙何處覓飛鴻懷仙三觀洪崖漲八表冷然  
欲御風國朝教授胡雲客詩城南嘉嘉起孤峰一面  
迎當兩學宮文筆宜分天壁秀翦刀直奪雁山工千年  
佳麗於今見九斗風光自昔同此日鍾靈占地傑衣冠  
還集舊  
甌東

黃土山

在巽吉山側麓係縣城隍廟舊址

萬厓志

仁王山

在城南五里旁有小阜曰湖嶼正對府治

萬厓志

康熙志

覆釜山

在城南五里仁王山西一名靈官林靈素葬此



故名俗稱仁王靈官為雙嶼

乾隆志湯志

覆釜山宋

城象斗者華蓋松臺郭公海壇四山為斗魁積穀巽吉  
仁王為斗柄黃土靈官為輔弼也靈素邑人以神霄火  
德得幸徽宗賜號金門羽客冲虛通真達靈元妙先生  
一日戒如晦曰可於覆釜山斷地五尺見石龜蛇即葬  
我葬畢宜亟去是日三更援筆題曰四十五年勞生浮  
名薄利崢嶸要識神仙舊路中秋月下三更題畢忽聞  
雷聲稽首而化及葬斷地果如其言甫下而雷霆大作  
雲霧晦冥失其所在其御賜七寶數珠與劍印等物俱  
同瘞至靖康元年欽宗遣使取數珠等將發墓而黑風  
雷雨百怪雜出使者驚謝天霽則數珠已在樹上矣天  
下名勝志案此與萬厓府志所載小異並存之

回鶻山

在城西一里甌江逕其下上有回鶻亭

即揖明峰亭

郡守龔秉德建

嘉靖志湯志

金丹山 在城西三里有三峰並峙色如丹霞逾一里

曰香爐峰又一里曰西山

名勝志

西山 在城西五里

一名國浦山 又名金丹山

連峰疊嶽青蔥秀麗如

列畫屏爲永嘉登覽勝處謝靈運詩遙望城西岑卽此

有翔雲峰

卽護國山

茗甌峰紫芝峰慈雲峰簞竹峰瑞鹿峰

甸洋峰又有愛泉鑑泉玉乳泉飲鶴泉虎跑泉白泉

名古

玉泉其水甘冽相傳唐僧宿覺禪師所卜堰久旱不竭人多資之

龍珠鳴丹光洞赤松

洞雲霞奧桃花澗小雁谷藏春谷諸勝舊時精藍名利

一十八區其峰十有二宋郡守攜客飯於淨社寺卽用

鼓吹登山歲以爲常至明漸成荒徑諸峰逼近郡城登

高瞰下瞭如指掌元末盜起往往建營寨於此 國朝

康熙十四年閩逆來寇及王師征討俱屯兵於此今

營壘遺址猶存名勝志袁字記方輿紀要嘉靖志一統志

城門遙望城西岑連嶂疊嶺青翠杳深深沈曉霜楓葉

丹夕曛嵐氣陰節往感不淺感來念已深羈雌戀舊侶

迷鳥懷故林含情尙縈愛如何離賞心撫鏡華綰髮攬

帶緩促襟安排徒空言幽獨賴鳴琴宋楊蟠詩雲引

踏青客尋山西出城始知圖畫上今日有人行葉適

詩對面吳橋港西山第一家有林皆橘樹無水不荷花

竹下晴垂釣松閒雨試茶更瞻東挂綵空翠雜朝霞

明龔秉德詩珠樓遙接萬峰陰絕壁留香臺信幾深煙靄

連雲迷上界鐘聲和梵響空林庭留老樹傳僧臘案

有殘經定客心豈為逃禪參法象聊依慧境散幽襟

甌浦嶺 在西山北甌浦其地卽東甌王故城嶺有二亭

亭側有東甌王墓祠乾隆志

湯志

翠微山 在城西五里有石壁刻翠微二字山麓臨江上

有玉眉泉

陳舜咨孤嶼志願中泉味以翠微山玉眉泉松臺山金沙井孤嶼海眼泉爲最乾隆府志

舊志

太平山 在城西八里其背卽翠微山北麓臨江有太平

嶺通處州

乾隆志案康熙年間貝子王統兵駐此嶺討耿逆湯志

孤嶼 在城北里許江中東西廣三百餘丈南北半之初

兩峰對起築二塔於其巔江流貫其中爲龍潭中峙小

山卽孤嶼有海眼泉

明文徵明書海眼二字鑱於井闌

瑠璃泉東爲象

巖西爲獅巖唐咸通中建江心寺宋時蜀僧清了以土

室龍潭聯兩山成今址孤嶼之椒露於佛殿後建炎四

年高宗嘗駐蹕德祐元年陸秀夫張世傑文天祥先後

集此有謝公亭文丞相祠浩然樓卓忠貞祠澄鮮閣三

賢祠諸遺蹟

寰宇記輿地紀要名勝志萬厓志湯志

北曠周旋懷新道轉迴尋異景不延亂流趨正絕孤嶼  
媚中川雲日相輝映空水共澄鮮表靈物莫賞蘊真誰  
與傳想像崑山姿緬邈區中緣始信安期術得盡養生  
年唐李白詩康樂上官去永嘉遊石門江亭有孤嶼  
千載跡猶存孟浩然登江中孤嶼贈白雲先生王迴  
詩悠悠清江水水落沙嶼出回潭石下深綠篠岸旁密  
鮫人潛不見漁父歌自逸憶與君別時泛舟如昨日夕  
陽開返照中坐興非一南望鹿門山歸來恨如失張  
又新詩碧水透迤浮翠巘綠蘿蒙密媚晴江不知誰與  
名孤嶼其實中川是一雙宋楊蟠詩天暖風光起侵  
晨到此間花飛春北去潮落水東還雙峙江心塔層分  
海口山聖朝恩不淺令我養疎間徐照詩兩寺今爲  
一僧多外國人流入天上水截斷世閒塵元李孝光詩  
龍歸損塔輪却疑成片石會坐謝公身元李孝光詩  
銀浪舞輕航天風起石塘六鰲扶地勢萬象發天光樹  
湧中流碧蓮生隔浦香潭龍莫深臥一雨九州涼明

高啟送恩公還江心詩上人居寶地勝處似金山樓閣  
開天界波濤陶世寰鐘聞孤嶼外利出亂雲間螺女晨  
脩饌龍君夜叩關遊方來暫會辭闕去難攀舊業菱生  
沼離程柳映灣衣沾爐氣出船載磬聲還施貝來江賈  
持經化島蠻諸緣除未早半偈悟應難安得如康樂登  
臨此共聞林常孤嶼送客詩蜚江心孤嶼低孤嶼  
亭外雙峰齊朝聲到枕白月上海氣拂簾蒼雨迷風流  
康樂極登覽離別少陵多品題君遊四明好山水何日  
更期同杖藜周旋詩中川妙境即蓬萊占斷壺天絕  
點埃不與人間連世界卻從海上結樓臺亭亭古塔雙  
峰起隱隱晨鐘萬戶開昨夜老龍來聽法滿江風浪殷  
如雷一章綸飲江心寺詩孤嶼嶙峋聳鏡中紅蓮座裝成  
可能通一川砥柱橫滄海兩塔凌空映彩虹蓮座裝成  
金碧地蓬壺現出水晶宮藩侯宴我同來此落日亭前  
意謝公王澈詩桑田海水渺難憑孤嶼由來自古今  
潮汐無端常上下江山有待幾登臨謝公亭草還春色  
文相祠雲起夕陰弔古却憐聲韻在蕭蕭幽思更誰禁  
王健詩象外山門峙空中水殿開潮將浮塔去鳥欲  
截江迴直擬通鮫室還疑結蜃臺鷁林穿窈窕龍樹拂  
崔嵬金色雲披席珠光露泛杯遊心融霽景宦思散氛

埃彼岸行堪到茲流逝莫哀迷方一同首折取覺花來  
〔文林詩〕孤嶼蒼茫雲水鄉魚龍吹浪濺僧房暗潮浮  
動乾坤小高樹遙連吳越長千古江山根地軸幾人功  
業破天荒謝公亭畔題詩石半蝕莓苔字兩行〔桑悅  
詩〕夜宿招提寺閒登孤嶼亭獨吟幽鳥下長嘯亂峰橫  
水氣蒸雲濕波光助月明江心泉萬斛借此濯塵纓  
〔皇甫詩〕雙塔峙琳宮諸天一水中迴看雲島合直與  
海門通荒寢隣文相高樓憶謝公潮聲流日夜惆悵古  
今同〔侯一元觀水軍詩〕孤嶼標龍藏層臺瞰鹿城江  
山空法界雲水濕鐘聲落日低雙樹秋風耀五兵鼓鼙  
雖未歇自覺萬緣清〔王叔果春日兄弟集江心詩〕芳  
榭俯中川登臨意豁然繁華一水隔形勢九山連古樹  
浮江動清風拂座偏謝公遺韻在春草正堪憐〔王叔  
果詩〕地湧金沙界天留說法臺僧當鼉背住門對鹿城  
開作賦漸賸閣臨風懷謝公滄溟浩無極秋色望中來  
油幢一龍江心即事詩百里潮平塔影雙羅浮飛翠上  
畫角避寒鷗鷺倚蓬窗漫言此夕擒元濟九首天吳亦  
就降〔何白詩〕夢聽江檻激風湍起攬清輝坐夜闌波  
湧星河動高樹月橫塔影臥空壇金浮鼉背霞光晶花

經珠林露氣寒治海一杯天萬里欲呼赤斧跨雙鸞  
陳紹賢詩驅石何年到古甌直從桃浪砥中流珠官似  
負鰐魚背寶塔疑浮海蜃樓兩岸山光青渡水一江帆  
影白連洲攜朋載酒頻來此倚醉春風汗漫遊康從  
理孤嶼寒潮詩寒潮遙帶海門秋鰐背孤懸佛刹幽翠  
作峰巒環雉堞金爲樓閣麗蓬邱魚龍水湧鐘聲出星  
月江空塔影浮舊是東南名勝地遲君歸接謝公遊  
劉康祉孤嶼秋夜詩江天明月林端吐琉璃如淨掌如  
怒萬里西風蘋末來中天明月初生瑞冷爽琉璃如淨  
平帆檣四面竹枝聲清氛乍向桃笙冷爽琉璃如淨  
輕極目流雲元影度長天欲雪早鴻征凌雲翼詩古  
利江心起清幽此夜偏山空先挂月波闊遠浮天雉堞  
千家樹帆檣萬里船恍疑人在鏡相對意流連國朝  
朱彝尊詩孤嶼題詩處中川激亂流相看風色暮未可  
纓輕舟汪燠秋日遊江心詩久傳王謝擅風流何幸  
追踪紀勝遊孤嶼遙分天外碧一樽長飲海邊秋石  
江面知潮落雲束山腰帶雨收繞岸城煙無著處亭  
飛傍塔雙浮湧出孤岑瞰海流儼然身在畫圖遊疎  
鐘韻落雙條水蕭寺涼生萬樹秋鶴掠空山朝霧濕帆  
歸遠浦晚霞收萋萋文卓祠前草正氣英風亘古浮



翁應春詩問渡中川寺山間亦水間雲來雙塔動潮落  
一舟還別浦青燈杳孤城畫角閒林深藏小刹盡日掩  
松閣林兆斗宿孤真詩醉坐中川興倍濃斜陽倏變  
海天容雄風響過千林杪急雨喧行兩岸峰塔迴危巢  
愁鳥雀地寒安榻傍魚龍夜濤春枕難成夢不覺江城  
動曉鐘方鴻助孤嶼紀游詩仙梵凌虛景自幽登臨  
圖畫望中收海門日上千峰曉山寺風清六月秋四壁  
光涵天上下兩峰煙渺樹沈浮相看宛在冰壺裏莫禁  
任歌汗漫遊（明王思任遊孤嶼記九斗山城之北有  
江枕曰孤嶼謝康樂所朝夕也嶼去城百楫東西兩山  
貫耳海潭注其間故於山名孤嶼而於水又名中川宋  
僧蜀清了爲龍說法解脫之士其宮而兩山屬於是起  
江心寺而孤嶼反在隱隱隆隆之際今人不言孤嶼但  
言江心寺寺之左爲文丞相祠丞相曾航海求二王至  
寺題詩壁間八行黑淚天地無光今尸其貌穹窿其語  
以爲江山重前有浩然樓拜先生罷一登眺焉而江山  
於是乎大且尊矣右爲卓侍郎祠侍郎永嘉人死靖難  
節月午天空可伴文先生歎語故匹之方丈中留高宗  
手書清輝二字儒夫乃有筆力山故東西塔相峙而余  
翔西塔之巔憩於登鮮閣望海山如鐵城層紫堆青俱

以頭面衛中國萬里風來點點從閬瀛中漉過頃刻飽  
我衣袂石帆月竇之間俱鮫人之所出沒權呼海大魚  
突起豫且之網霜跌銀跳俄而益著鮮矣夫惡知非白  
龍之肉海若勅琴高一犒執事不耶寺門榜曰龍海珠  
林王季中飲余酒令童子歌其尊人八聲甘州詞真有  
大江東去浪淘千古意氣寺門前平白如砥老松疏樾  
圖濃染碧寒落杯中吹臺晚霞望僧閣俱在竹雲裏禿  
禿鶴放一舸縱還穩坐天上眠花雖亂絕無金焦片浪  
之憂正人來止文王叔果孤嶼記甌郡環九山而城  
蓬萊抑孤嶼也哉王叔果孤嶼記甌郡環九山而城  
志稱九斗城北枕江江之中浮大洲為孤嶼有江心寺  
嶼東西初兩山分峙中貫川流為龍潭因名中川川上  
小山即孤嶼也兩山故並剏禪院樹塔宋時有蜀僧清  
了說法相傳龍化人來聽了隨投土石室潭聯兩山剏  
今寺東西相距三百餘丈距郭里許云江心故插櫓為  
培歲久海潮衝啗予弟暘谷乃斃以石中為廣埠登埠  
入寺寺鉅麗甲於叢林故有門廊及鐘鼓樓頃廢予弟  
為建之金碧璀璨山門之左為文山先生祠宋德祐中  
先生航海求二王至甌有乘潮一到中川寺之句右為  
卓公祠祀皇明戶部侍郎卓忠貞公敬公死靖難初私

祀郡里後擇祀於斯以配文山再右爲孤與亭越亭數  
武爲澄鮮閣由閣折而西爲西塔踞山俯江勢巉巖如  
焦山東塔則盤紆巉巖望挂綵綵諸峰如挾浪浮動僧廬  
環塔外波光搖漾秀色空濛若蜃樓起海上焉凡山水  
名寓內者得詭異則奇得名賢則重蓬萊方丈爲神仙  
窟宅世固以奇目之若忠臣偉士生死關於元化所托  
跡降靈之地風流不泯後之人想像慨慕彼山若水遂  
以擅名千古毋論方輿紀載卽吾鄉耳目所及如子陵  
祠於富春武穆墓於西湖識者謂桐江一磯維漢九鼎  
鄂國一邱表宋千秋此地之重以人者奚美奇也孤嶺  
類仙山所稱清了一說法與文殊幻現戒龍諸語概於詭  
異而仰止先哲一以流寓廟食一以屹砥柱覺山水增其  
烈若御洪濤而行天日障迴瀾而屹砥柱覺山水增其  
高深視夫峰泉澗壑獻靈標異者殆殊別矣嗚呼大千  
曠劫陵谷遞遷自有孤嶺以來佛廬臺榭其興而廢廢  
而興者吾不知其凡幾獨忠義在人心萬古不死而尙  
友論世莫不觀感而興起也其輕重豈不較然哉予林  
居多暇日過江上且幸諸廢具舉有所託以不朽因撮  
其大都爲記將以貽之大方采而志於名山庶知孤嶺  
之所重者有在也  
(王光蘊孤嶺賦)中川又名孤嶺嶺

東西兩山中貫川流以水則曰中川以山則曰孤嶺宋  
時有蜀僧清了室中川爲吐剌今寺劉宋謝康樂守郡  
游憩有亭唐杜少陵有咏宋高宗南渡駐蹕有御書文  
文山航海留宿有詩今祠之鐫於石寺故鉅麗冠海上  
頃門廊圯廢萬厯中家暘谷參政創山門甃石爲塘太  
守衛公於山門之右構卓公祠忠賢俎豆相望叢林大  
地江山微靈名哲顧未有賦之者偶緣從遊興懷紀遇  
乃以情景之會抒辭而賦曰維東甌之肇域環九斗以  
鍾靈雄山水於佳郡志幽勝於圖經雨峰兮對峙貫川  
城屹迴瀾兮砥柱宅鯨鮫之演法化龍藏而爲陵其東則  
流兮孤嶺攸名緣歇師之演法化龍藏而爲陵其東則  
扶桑浴日望渺蓬瀛靈崑崙立挂綵雲凝其南則城闌  
萬井百雉天平吹臺掩映笙鶴時鳴其西則羣峰秀簇  
甌嶺霞飛鳬浴鷺夕照波明其北則永靈屏展羅嶠  
浮青千家煙樹綠遍芳汀挹長江於天塹實寶界之金  
繩信炎洲之絕境埒金焦而齊稱占恆河以住世藉檀  
那爲梵宮海天澄其上下浮屠樹於西東爲殿爲閣輪  
奘鬱蔥若桴若筏浩蕩品融址盤神魚之負阿翔蜚鳥  
之翬範揚三車之積陰團萬木之叢疎鐘覺乎彼岸慈  
航渡於閭風窈窕旋於迴壑微茫漾於太空奇窮海國

妙奪天工即品題之標異揆嗜賞之攸同街五馬兮康  
 樂亭孤嶺兮謝公追少陵兮絕唱弔文山兮孤忠駐宋  
 蹕兮信宿觀碧宇兮猶籠地因人以表勝遂流聲於寰  
 中嗟人生之寥廓感駒隙之怱怱納須彌於芥子委大  
 化於元通美靈區之天作乃賢哲之遺逢脩百廢於羸  
 美宰物色之鮮穠更名流之載筆羣播咏於詩筒若夫  
 春陽熙熙江蘿萋萋林花眯目童冠振衣飛香散馥杯  
 酒淋漓則祇園之幻景也洪濤簸激馮夷御風騰螭落  
 雁掣電颺蓬馳驅海若倏忽鴻濛則覺海之駭觀也霧  
 斂雲銷月明千里萬頃玻璃碧天如洗塔影中流凭闌  
 徙倚則蓮臺之妙界也窮陰栗烈千山飛雪玉樹珠輪  
 寒江皎潔百炬夜燃靈光殊絕則西竺之莊嚴也煙雨  
 瀟瀟四顧寥寥菰蒲錯落細網輕舸須臾爽霽漁歌招  
 搖則劫岸之波庫也材官水戢金鐵交鋒岐亭悵別陽  
 關互聲勢紆聚散泡沫風萍則迷津之惛障也繁四時  
 之殊候兮紛萬象之參差羌遇目而街奇兮舉中川而  
 萃之騁幽遐於曠覽兮將動靜之咸宜瞻蓬壺與弱水  
 兮率杏渺而難期抑仙靈之所秘兮寄神想於終疲快  
 茲邱之孔通兮橫白露於中湄隔繁華於四水兮一折  
 葦而可跂迤蒹葭於極目兮睽彼美而興思盍吾遊之

有託兮豈徒侈夫翫時擷渚蘋以爲羞兮紉蘭皋而爲  
摘懷忠貞而摳薦兮庶仰止之在茲聊抒憤而陳辭兮  
意川靈之我知辭曰大千世界何廣輪兮山河成市幻  
塵劫兮金沙現海砥任瀾兮雲樓雪殿儼人天兮古今  
瞬息虛浮漚兮釋緣儒顯胥聖詰兮廬山鐘魚藉修名  
兮垂謨憲世洵無量兮我言妙覺藏名山兮川流決決  
聲與長兮采風挾  
勝將有選於斯兮

綱 四境諸山東南以大羅山爲最大正南以吹臺山爲  
大西以岷岡山爲大西北以赤水山天臺山爲最大正  
北以永寧山爲最大蓋郡邑之鎮山也

大羅山 在城東南四十里東北枕海廣袤四十里跨德  
政膺符華蓋三鄉及瑞安崇泰鄉頂有大湖湖有巖山  
之峰曰華髮摩霄積翠玉女天柱四皓插笏二老巖曰

削鐵苔象答響醉翁白石飛來旗障亦曰潭曰菊花臥

龍王函龍鬚洞曰歸雲寶巖其最上曰霹靂尖即李王

室李王秀削千尋氣雄負厚俯視衆山上睨霄漢何大白

隱此羅山高百盤芙一名泉山祝穆曰此即朱買臣所云

蓉倚天空翠寒越王居保之泉山案此方輿紀要誤引有泉大旱不涸故名泉山李

少和世居於此其東谷之水引為姚溪入永寧江西谷之水引

為杜輿溪入慈湖北麓有信輿嶺丁輿嶺馬鞍嶺俱通

永場西麓則瑞安之仙巖山多奇勝古稱天下第二十

六福地也一統志寰宇記方輿紀要永嘉記名勝志嘉

靖志明史地理志康熙志湯志唐張又新詩越王曾保此山巔楊僕樓船幾控弦猶有舊時懸水

在蛟綃千尺玉潺湲明張孚敬旗障巖詩小廟自焚

香山靈茲供養絕壁凌飄風觀望似旗障我欲請山靈  
勒移於其上游子慨我欺誰是山中相又告大羅山  
文羅山之英瑤谿之靈璫頑鈍無成苦無肄業之地托  
址溪山建茲書院以翌日落成將率學徒講學其間竊  
念白鹿武夷之勝斯道攸賴固地靈而人傑也今茲地  
靈矣其人傑則固有對待者苟或自異其學自畔於道  
寧不有負於茲山之靈也其支之盤錯華蓋鄉者曰雙  
哉神其啟翼俾璫不迷

奧山雙溪出焉曰黃焦山一名攜仁嘉靖志曰北山曰鄭

奧山姚溪逕其下曰白水山乾隆志五山在華蓋鄉一都曰彈子山

曰大度山嘉靖志二山俱大羅之幹曰金奧山曰青山

乾隆志二山在四都踞膺符鄉者曰黃奧山山西有嶺俗呼都堂

嶺康熙志里人王諍曰水陸山即石壇嘉靖志曰半山嘉靖志

志有羅陽洞邑人王叔果叔果讀書於此跨德政鄉者曰杜奧山乾隆志在十都有嶺



曰黃嶼山曰泉村山（乾隆志）在茅竹嶺一名丁公嶺以

居有禪寺康熙初年築城駐防（乾隆志）

茶山 在城東南二十五里大羅山之支（康熙志）（乾隆志）

深遂山前多梅花謹按通志載白茶山茶經永嘉圖

經縣東三百里有白茶山而里數不合舊府縣志亦未

載附識一名五美園山（康熙志）在十二都（乾隆志）產茶

俟考常應逆川有五美園嶺通永場

梅頭山 在城東南三十五里在德政鄉近海連瑞安界

走險之間道也（乾隆志）（籌海圖編）嘉靖辛酉四月瑞

將牛天賜通判楊岳把總梅魁等殲之即此山也

龍灣山 在城東南三十五里有快懷嶺濱海有汎嘉靖志

與樂清磐石街對峙海面相距十里最為險要

新集

瞿巖山 在城東二十里獨峙江濱相傳吳列女瞿素所

居

二統志  
乾隆志

君子山 在城東二十五里唐劉沖隱此得名今稱秀才

洋

嘉靖志

康熙志鄉民祀土神於山上殊非宜康熙

十二年署郡篆殷作霖命邑士林北斗撰文遣官致

祭移神別處明年春知縣馬

珩躬率諸生湯炅等盡除之

石室山 在城東七十里上有石夫人及古碑在天柱寺

後其巔有瀑百丈許舊云黃帝時八水之一大旱不竭

嘉靖志

宋謝靈運詩

清旦索幽

異放舟越

坳郊莓莓

蘭渚急菼

菼皆嶺高石

室冠林廐飛泉發山椒虛泛經

千載崢嶸非一朝輝林絕聞見樵蘇限風霄微戎無遠

覽總笄羨升喬靈域久韜隱如與心賞交合歡不容言

永嘉縣志

卷之二

輿地

敘山

志

摘芳弄寒條按此石室山在城東之永場與西北大  
若巖之石室山為兩處舊志引寰宇記云云今改入大  
若巖之下

橫塘山 在城南十里正對郡治康熙志鄉民建土神廟於巔殊非宜康熙十三

年知縣馬琬親率諸生湯炅黃維楷等毀之乾隆府縣志湯志其旁有桐嶼山

暘輿山 在城南十里東西二峰下有暘湖瀕湖有嶺其

旁有玕嶼山乾隆志湯志

吹臺山 在城南二十里高處平正如臺相傳王子晉吹

笙之所下有飲鶴泉廣袤二十餘里南屬瑞安北屬永

嘉山狀如樓臺巖上鐫不可思議功德六大字下有飛

泉石池生椅梧及笙簫之竹梁邱遲為太守嘗採琴材

寄吳興柳惲秀有小嶺宋徐震禦睦寇處

實字記方輿紀要名勝志

萬厯志康熙志乾隆府志

既中紀逸梁邱遲寄柳文

暢詩邊山此佳樹搖影出雲垂清心有素體直幹無曲枝凡耳非所別君子特見知不辭去根本造膝仰光儀

唐張又新詩吹臺山上彩煙凝日落雲收疊翠屏應

謂焦桐堪採頌不知誰是柳吳興徐樊詩鶴泉流水萬峰隈曾記風流太守來不寄笙簫寄琴幹吹臺應改

作彈臺明何白攜尊飲湖上望吹臺山詩委形託大

化密隨冥運遷及辰不為歡何以樂當年高天散晴霽

攜琴俯長川日晶淨湍鷗澤低迴風鳶引領眺匡壑遙

見吹臺山昔聞王子喬驂鸞乘紫煙其人不可見安用

採遺筌何如對良時臨流陶一尊濯纓顧漁其支曰禮

父我歌君扣舷夕返衡門下隤然已忘言

佛山即牛頭山曰馬鞍山其麓為瓶嶼曰慈湖山曰竹輿山

曰麗塘山舊通志有嶺曰楓山曰夾嶼曰老竺山曰焦

下山乾隆志俱在吹臺鄉二十里

白塔山 在城南二十里唐咸通中明定大師立化處有

塔寺

舊志元劉萬奴剿南田桐山寇於此山麓 康熙志

頭陀山 在城南二十五里世傳宿覺大師剪髮之所附

近有長老山

康熙志有廣福寺頗稱巨麗

芙蓉山小桐嶺山

皆吹臺山支

桐嶺 在城南三十五里

湯志作西

聯瑞安界

元劉萬奴拒南田桐

山寇處

國朝康熙十四年閩寇自飛雲江踰此嶺至

郡乾隆志湯志按咸豐十一年平陽金錢會匪之亂

亦由此嶺入郡

帆遊山 在城南三十里吹臺之支南接瑞安界東接大

羅山地昔爲海多舟楫往來之處山以此名謝靈運游

赤石進帆海卽此

一統志嘉靖志永嘉譜

唐張又新詩張海嘗從此地游干帆飛過碧峰

頭回看深谷為陵處  
反覆人間不肯休

梅嶼山 在城西二十里漢梅福隱此故名西去有際嶺

通夏其旁有集雲山即塘下山之谷名塘下坑  
仙通夏仙康熙志乾隆志

宋奧山 在城西三十里乾隆志

岷岡山 在城西三十五里亂峰環簇如蓮花瓣宋儒戴

溪讀書於此稱岷隱先生復有深潭邃谷郭溪之水出

焉元末方明善分據温州屯兵於此劉公寬夜襲之與  
地紀要名勝志明史地理志乾隆志案岷岡山諸

書皆稱三十五里舊府志  
在城西南二十五里蓋誤

石鼓山 在城西四十里山有石如鼓扣之則響名勝志  
乾隆志

宋謝靈運登上成石鼓山詩旅人心長久憂憂自相  
接故鄉路遙遠川陸不可涉汨汨莫與娛發春託登躡

永嘉縣志

卷之二

七

歡願既無並威慮庶有協極目昧左闕迴顧眺右狹日  
沒澗增波雲生嶺逾疊白芷競新茗綠蘋齊初葉摘芳  
芳靡諼倫樂樂不變佳其旁有棠塘嶺乾隆府志稱棠  
期緬無緣騁望誰無愜其旁有棠塘嶺乾隆府志稱棠  
上戌通處三洲嶺明嘉靖三十五年倭寇由此至  
州大路嶧頭上戌夏仙等處乾隆志

龍泉山

在城西七十里附近有黃山羚羊山夏家山黃

公尖

俱在泰清鄉  
乾隆府志

仙門山

在城南二十里居三溪之口

乾隆府志

郭溪山

在城西南三十里郭溪所出西去有天長嶺乾隆

府縣志

天長嶺

在郭溪山西一名鐵場嶺

宋宣和中方臘作亂自處州東犯白沙隘

議者謂白沙失守前無險阻去城三十里地名寨下有  
鐵場嶺守此可以扼其來路不果賊果踰嶺而東攻城

不克乃去方輿紀要乾隆志按國朝康熙十四年王師收復温州從柘溪潛行逾此嶺抵西山

虎豹山 在城西南三十里孑然一峰雄踞如虎豹有羅

漢巖

萬厓府志昔有禪師遇羅漢於此故名

其旁有鏡清山竹浦山尖奧

山焦溪山塔山秀峰山

皆在孝義鄉十二都乾隆志

臥旂山 在城西南孝義鄉相傳郭璞卜城時有外有臥

旂過兵不凶之讖其支有侯賀嶺通處郡大路乾隆志

五峯山 在城西南三十五里俗稱丁么山有西華洞右

弼真人吹簫地又有古洞巖上建許真君祠其支曰亭山曰華

亭山曰碧蓮山

俱在建牙鄉乾隆府志

韓丈山 在城西南三十五里上有三台峰下有竹嶼世



傳韓君丈人蛻化處乾隆志

岫環山

在城西南四十里

宋方臘之亂其黨俞道安聚衆相溪陷樂清逼府城分兵

攻瑞安鄉民守桐嶺及帆遊山拒之賊自間道踰岫環山而南卽此俗訛爲繡娘山方輿紀要案乾隆府縣志皆不載府志寇警賊踰繡娘山下又有桑城山寰宇記郡

輔褒力戰死之則此山在西南也

雄溪山

在城西南四十三里雄溪所出

乾隆志

瞿溪山

在城西南五十里上有龍潭瞿溪所出

乾隆志

宋謝靈運過瞿溪山飯僧詩迎旭淩絕磴映沍歸漱浦鑽燧斷山木掩岸瑾石戶結架非丹甍藉田資宿莽同游息心客暖然若可覩清宵颺浮煙空林響法鼓忘懷狎鷗鰖攝生馴兕虎望嶺省靈鷲延心念淨土若乘四等觀永拔三界苦明何白大水後登瞿溪龍潭詩石潭風葉寒相語中有神龍蟠水府白晝微噓一縷雲下方

忽散千林雨吾聞時政一失宜感召旱潦還因之昨者昆陽千人化魚鼈父老於今眼流血

破石山 在城西北二十里南岸有石臨江壁立如張帆

水上乃堯時神人破石為帆

又郡國志云東海信郎破石為帆今東海有祠祀之

是山安溪遶其下上接青田惡溪七十二灘之水將入

惡溪遂置溪側今俗號張帆溪與天台山相接

寰宇記名勝志

元域志一統志永嘉記乾隆志

獨山 在城西北三十里

仙桂鄉三十里都乾隆府志

鄭山 在城西北三十里

仙桂鄉三十里都乾隆府志

青嶂山 在城西北四十里一名烏石山上有大湖浩渺

無際山號七峰水名冷水梁陶宏景棲止於此著真訣

藏於石室元宗感夢取之真詰巖白雲嶺皆其遺跡宋

列真觀道士柯可崇造絕頂築凌霄菴以居導引辟穀

猛虎馴伏其旁有陶真君祠煉丹井石棋枰〔寰宇記〕一統志名勝

志康熙志唐張又新詩一派遠光澄碧月萬株聳翠

巖金甌陶山漫學長生術暑往寒來更寂寥〔宋〕許景亮陶隱居祠詩金鑒辭舊直鶴駕脫塵坐真隱雖高世嘉謨亦相若石壇移晚月丹竈覆寒雲瑟瑟松風在時

人自不聞

安溪山 在城西北七十里在二十附近有白沙山塔山

菰溪山白壤山趙奧山黃壇山俱在臨江鄉〔康熙府志〕乾隆志

小若巖 在城西北百里層巖壁立水石清奇面南有洞

下臨深壑東西二溪合流〔名勝志〕康熙乾隆志〔湯志〕明薊過庭遊永嘉小若巖序

浙東無適而非山也。甌中爲奇，甌中無適而非奇也。小  
若爲最奇，世之奇甌者，以雁宕小若弗及也。甌人自負  
其奇者，以雁宕玉甌並稱。小若亦弗及也。有道人爲子  
言：甌中之勝，小若第一。雁宕次之，玉甌又次之。予弗之  
信。環問甌人，莫知有小若焉者。道人云：去郡從南溪東  
北行六十里，爲沙頭市。舍舟折而西北行十里，爲大溪  
嶺。又西十里，爲頭陀田。少進，爲小若斯。小若所從出也。  
其洞在巖中，壁立萬仞，無途之從。神廟時有好事者  
討翳索隱，披冒扳援，屹然窮山之險，放乎岩下而立。睢  
盱以望，上下審覘，見其中潭潭焉。若函丈而虛，其席也  
驚嘆爲奇。絕曰：是岩中宜居焉。昧死緣壁蟻附而入。入  
則惴伏，不能下。因卧其中者三日，夜有奇，其徒百計下  
之。願而言曰：吾終老於是岩矣。雜然相許。斲壁架磴，刻  
朽剔腐，扣堅擊脆，培頽疏巧，剗突填凹，畜膚壤除瓦礫，  
鑿空建蘭若。今六十餘年矣。代有隱者，世莫能知。蓋往  
觀乎？予買舟至沙頭，舍舟而問市人：又莫知有小若焉  
者。於是旋求其所謂頭陀田，果得小若。居民始知有小  
若焉。初自郡泛南溪，踰嶺綺瀾，繡障深秀，杏麗則已奇  
矣。旣而自嶺抵若鉅鋒峭岸，洞心駭目，較之南溪道中  
加奇焉。但地非中達，土無通人，故世鮮有聞溪南山一山

峻節傲侔疑於狼子豹孫攫噬奔突踟躕決驟爭爲奇  
狀不知何名有老者負薪至執而叩之指眉間期期不  
能了曉視其形語揣其鄉音大要是眉山云由箬而進  
是爲小若山勢益奇蟠溪鬪澗但聞水聲崎樹怪松不  
由土著層累攢蹙是處皆石若列若抽若削若鏤如勒  
如馳如驅如立移步異形殆難比擬紆迴盤矗拾級忽  
窮峭壁斷崖莫可梯接仰望蒼碧畫屏插天雖攫猱呼  
鼠瞠目瞻視不能從也時日將暮容容無寄惶遽疾呼  
俄聞答響遠在天際有童子從壁上斜刺而下行若翔  
鳥見予愕眙問客何爲者何所從來爲具答之乃揖予  
橫穿石罅嚮導而前薛徑依壁憑空架虛蜿蜒偏仄狀  
若蛇虺其上石芒犀發其下鈞出臨不測之溪心悸股  
慄不敢旁視捫壁蟻行呀然洞開軒豁呈露仰視其額  
始知爲小若巖洞焉主人出而肅客則予友閒菴教公  
十載判袂同於隔世突如見之如在夢中執手道故相  
與劉亮復字層閣就巖而立寬邃窈窕明敞嚴淨可居  
二十餘人倚檻俯仰上插有漢下臨無地神情豁蕩精  
爽氣越有泉自巖頂來從簷霏灑如纓絡然却視羣  
山縹至炤起雲駛電圻試技矜妍愈逞妖悍較前所見  
其奇殆不可數矣當南溪踰嶺時以爲奇矣迨自嶺至

箬還思夫南溪踰嶺特奇之郵耳當自嶺至箬時又以  
爲奇矣迨自箬至巖還思夫自嶺至箬特奇之郵耳比  
於至巖覺前此之所謂奇者有一境焉又有一境焉以  
窮之有一境焉以天下之奇果盡於此矣乎予嘗誇伯夷  
始盡其奇也吁天下之奇果盡於此矣乎予嘗誇伯夷  
之行侈仲尼之博而見笑於大方之家吾盍無是耶予  
自吳門來重趼跋涉筋力疲極至此不覺健步且與猿  
猱爭捷固嘆山川秀發引人興致如是哉然後信道人  
之言而有徵小若之奇真足卑雁蕩侮玉饒爲國中第  
一不詠也以予生平足跡所至北托幽燕南盡閩越歷  
數千里覽此岩洞考於圖經不少概見詢之故老勘有  
前聞爲之慨然故厯敘所矚又從而咏歌之藏諸岩中  
傳諸人閒俾天下後世知有小若之奇自予始也嗚呼  
小若自開闢以來河遙路遠帝莽王椿以迄昭代世莫  
聞知而卒不可掩湮之終古發之崇朝物之顯晦固有  
時邪則凡負奇而不顯於時者其知之矣要之青山如  
礪形管攸存余與小若俱無憾焉  
庶不負於茲游是予之志也夫

大若巖  
卽赤山

在城西北一百二十里清通鄉四十都道書

稱天下第十二福地乃地仙李方回所治其東西兩溪合流道巖下匯爲龍潭相傳有赤水時出飲者必壽故以名山三國時王元貞居此修煉其徒朱孺子掘枸杞根煮之飲其汁飛昇梁陶宏景於此修集真誥故又名真誥巖唐甘露中道士傅隱遙亦於此飛昇其地幽勢阻水石清奇略如鴈蕩有石室可容千人洞門東南向高十七丈廣二十三丈深二十四丈前有高崖如屏其旁石壁高十餘丈鄉俗傳爲石室步廊羅列石鼓石鐘有登仙巖即朱孺子飛昇處龜巖瀑在石室北又名石室山又名石室山寰宇記一統志名勝志嘉靖志乾隆志元林清源詩山行一百五十里人家雞犬如桃源上有太古白石洞中是羣仙煉丹壇人間風雨不敢到梁時棟宇今猶存陶公真誥已入奏孺子崑崙去未還帝遣蛟龍護靈石

時聞鐘鼓鳴空山。蕭臺迴光日月白。河漢挂影星辰寒。  
休糧道士逐白犬。種桃金母駐青鸞。千年茯苓長根蒂。  
百歲老人古衣冠。曾聞赤水出巖洞。飲者白日生羽翰。  
前朝此地禁樵採。邇來勝致多凋殘。長松滴露封丹竈。  
獨鶴銜煙鎖洞門。神仙有樓不肯住。我輩走馬何時閑。  
願分半閒明月屋。自種數畝枸杞園。巖頭獨坐洗塵耳。  
消此兩澗聲潺湲。明王叔果詩。靈石中開室連峰面。  
刺天由來稱福地。曾此集羣仙。何白題大若巖赤水洞。  
先乘秋延眺。巖連永靈洞。門石扇中天。橫朱孺昇仙有。  
圖歌大若巖。巖連永靈洞。門石扇中天。橫朱孺昇仙有。  
遺跡紫崖兀與孤雲平。華陽真逸著書處。日光倒景開。  
霞局中有赤泉泚。且清丹沙涌。出浮寒沍。靈籟噌吰鬱。  
未吐漸與牝谷相琮琤。山中老人飲此水洗髓。伐毛身。  
較輕。辛芝紺草紛羅靡。餘潤如乳凝瑤英。我曾撰杖一。  
宿此便覺謬。謬入徧厯覽。足傲昆閬卑蓬瀛。一辭真境動。  
雪明曉謀深。入徧厯覽。足傲昆閬卑蓬瀛。一辭真境動。  
十載未能唾涕兒。與嬰名山奇人兩相待。方外未冷雲。  
霞盟朱陶二子。倘冥契應遣白鹿行相迎。國朝韓則。  
愈詩萬山看不厭。一徑洞中來。石壁插天立。灘聲捲地。  
迴苔痕侵杖履。雲氣繞香臺。煩惱何時盡。經旬醉酒盃。



紅何年鑿開混沌竅乳穴然洞府靈秀鍾幽巖水滴丹砂  
處不與尋常江海通臨風坐石懷古昔仙人駕鶴驟飛  
龍仙人曾飲丹砂水一鉢巖光動深紫丹成九轉忽飛  
昇刺得紅鉛成石髓我登石壁訪金仙欲飲餘泉滌塵  
滓紅塵不到白雲間紅雨時飛落花裏山中老衲不計  
年笑指滄桑幾更始十二福地在人間我欲從游亦松  
子琳宮梵宇面層巒翠色空濛濕衣履清暉娛人澹忘  
歸天在永嘉郡南溪小源從郡北江口入迤流而上山盤  
也折凡一百五十里有洞狀卷螺呀立千尺深窈虛廓  
梁陶宏景嘗集真誥於此所謂石室也山從西北來積  
天地奇險之氣磅礴糾鬱或峭眾激為芒為角為高峻  
或怒自決為壑為龕為大竅而其潰散不可收拾者又  
復洩為飛瀑萃為詭石吞吐變現感遇凝射千態萬狀  
莫可名數而真誥石室則其精神聚會也山水俱到衆  
妙盡呈名之曰大若福地者其說蓋出於道家云大若  
巖之外去十數里又有小若巖世人類以今文若字推  
其初所以名之者義皆無當按古文蒙字其上皆從山  
凡字譜中字從山者皆山之貌像名稱也而人莫之識

者蓋古字之不傳久矣自秦變古字以小篆隸書法行厥久風氣浸移日趨簡便承訛襲謬人用其私蓋今之所謂古者已非古矣予讀古文周易十二篇中始得見此字蓋古文繁字皆如此因表而出之使人知自有字宙則有此巖自有此巖則有此名而所以定其名而發其奇者則自予始是為記元虞集谷深記大若巖者在永嘉縣北八十里道書所謂赤水山福地者也其山周圍五十里巖高十七丈深百四十尺廣倍之石環中虛容光東啓居焉如在屋室大抵世言洞穴多在幽暗險絕必傍行仄入莫窮其所至篝火捫索乃頗有見以為奇未有若是之明爽者也有石高十數丈當其前若門屏然其北有東西兩溪合流道巖下匯為龍潭而南出其西溪相傳有赤水時出飲者養壽今山下多老人百十歲而赤水不常有也沿溪皆奇石可以物象名者若香爐石筍屏霞蓮花之屬凡數十處不可以名者至多也溪之源有兩瀑布皆垂數百丈一曰谷漈一曰傅崖傅崖尤奔怒者也晉永嘉有傅隱遙王元貞者隱此洞其弟子朱孺子見白犬走枸杞叢中疑之掘得根若犬形者烹食之身輕登白石臺仙去故名其臺曰飛昇而枸杞豐茂異常產來游者皆撷茹之其後陶隱居著真

誥此巖名真誥又嘗煉丹此巖中夜坐時或望見丹光  
煜煜是丹光也宋宣和間建靈真宮於巖中元大德四  
年道士曹淵龍始專居之出私錢募人墾其山隄其溪  
水除導其堙蕪得田數十畝蓋以已私產悉置宮中之  
用作齋堂治凡屋之當治者幾二十年而宮事備天子  
璽書護之俾以其徒世相傳勿敢有所易淵龍嘗曰上  
巖後山一里得最高處樵者至此聞鐘磬聲相戒勿敢  
動而去淵龍數至其處無所聞然實奇勝也蜀郡虞集  
口此殆子元應耳元教嗣師吳道人曰此可銘故爲著  
銘曰若中虛容作室門出震當離日承闕端鎮巨石陶  
朱君千百年赤水隱源水葛綿絲曹淵龍修其宮學仙  
翁萬靈受命鎮物怪非有道者勿敢至矧敢壞勒以吾  
銘示千載國朝趙鎮重游大若巖記略余所見永嘉  
諸山多矣峰巒奇秀洞壑幽邃移日徘徊不能去洵山  
海之奧區仙靈之窟宅也然自林進士一記外郡邑志  
寥寥數語其他記載鮮有表章之者殘碑斷碣亦不一  
存豈僻在險遠四方賢士大夫輟迹所不至抑兵火侵  
尋久爲瓦礫之場舊聞遺跡一切淹沒與使此山介在  
三吳間當必與金公王女林屋煙霞諸名蹟爭勝無疑  
而今寂寞若此蘇公云我笑吳人不好事甌人殆有甚

焉山川之顯晦固有幸不幸哉洞固有祠宇毀已久能  
仁寺僧蓮舟竭力脩復粗可為游人跂足之地并欲重  
之永久述其本末付之梓人余閱其所次舊聞事無根  
據詞不雅馴殆難徵信蓋文獻不足之故然其志則可嘉  
矣因其固請遂題數語歸之若安雅君子能網羅放失  
勒成一志為茲山標置眉目俾得與三吳諸名勝同不  
朽者當亦山靈之所亟相待也夫

### 天臺山

在大若巖之北山形如甌環列一十二峰天柱

卓筆犀角石碑寶冠仙掌展旂香爐蓮花石筍橫琴童  
子皆以象名又有平霞障龍聽洞蟾蜍石中有傳巖瀑

懸厓騰飛與鴈山大龍湫比勝

方輿紀要嘉靖志明王叔果詩玉嶺倚雲歛

飛泉百尺垂疑從三島匯散入九龍池日射虹西有陶  
成彩風回雨颺絲何當沛霖樹四野總沾濡

山

道士王元真  
隱處湯志

石槿山 在城西北一百八十里上有方石形如櫃舊傳

黃帝緘玉版篆冊於此名勝志康熙府志

羅浮山 在江北岸去城五里一名密羅山一峰孤峙半

浸江中有塔麓有亭臺故址與孤嶼相望秦時從海上

浮來寰宇記輿地紀要永嘉記康熙乾隆志湯志按

此唐張又新羅浮山詩如龜江北重巒積翠濃綺霞遙映

碧芙蓉不知來後滄溟上減卻瀛洲第幾峰宋葉適

自羅浮行田宿華嚴寺詩浮山昔飛至與羅合其巔嚴

冬樹色改青松紅鵲不種自生植屢伐常蒼然我病

不暇耕行復觀我田呼扶僊後倩護龍鍾先僮客四

面集畦墾相勾連敢云歲晏休翻犁趁晴喧民政今古

殊憂樂豈異源收身臥荒剎朗月前夜圓鵲懶附枝靜

颺譟嗅牀穿為農悔不早時發棹歌旋國朝劉德新

紵浮積雪詩碧峰孤峙自秦時積素凝華照水湄冷豔

乍飄千萬絮寒光競壓兩三枝江梅放處添山曉海汶

浮來落月遲如向嶺南觀勝概玉人林下露冰肌  
遇春羅浮山下詩重巒積翠蜃江北千水千山來特  
我來山下日初昇天半朱霞魚尾赤浮屠七級列其前  
龜蛇兩山峙其側朝潮夕汐海門東聲撼江干雷雨疾  
仰瞻宇宙眼界寬對此我我情何極昔年臺榭高入雲  
無數好山供點筆至今敗礎與顏垣彈指光陰空歎息  
歸來西峰街半日其旁曰章山山形如蛇萬厓志合山  
雲影水光天一色山下水瀦處有石高三仞明郡守衛承芳曰壺山俱永  
篆鐫硯臺岩三字邑人林壺峰建塔山上  
之支乾  
隆志

永寧山 在城北八里一名北山郡之主山也陶宏景隱

居於此廣袤三十里綿亘賢宰仙桂永寧清通四鄉西

崖有瀑名白水際峰巒相屬城內望之如屏障名勝志康熙府

志國朝朱彝尊白水際詩雲峰巒人行  
活活風泉落知有山桃花青春發紅萼

華嚴山 在城北八里永寧支山有華嚴洞花木繁麗自

成佳境有石可為硯

晉王右軍法帖云近得華嚴石硯頗佳即此名勝志乾隆志國朝

朱彝尊詩聞昔華嚴寺頻經逸少過洮河流石研未若此中多

千石山 永寧支山在合山之東

元末方國珍寇溫曾散屯於此明嘉靖中倭自

仙居楓林出亦於此及羅浮奪舟渡江

又有新城山

乾隆府志

石門山 在城北十五里賢宰鄉亦永寧之支山也

乾隆志

由羅浮經千石北行二里曰東際與舍舟登陸一里許

兩崖離立如門由門而入多大石內平曠有石門寺

按石

門山一在括蒼一在永嘉舊志誤引謝康樂登石門最高頂及夜宿石門二詩不知晉宋時之永嘉兼有溫處二郡石門本屬永嘉謝公詩刻今在青田石門見括蒼金石志足破千古之惑李太白送魏萬遊石門詩云縉

雲川谷難石門最可觀又云路荆李北海巖開謝康樂則確指青田之石門而非今之永嘉矣自分温枯為兩邪永嘉境內亦有石門山遂不免爭墩之請又歐江紀述引太白詩康樂上官去永嘉遊石門江亭有孤嶼干載跡猶存謂孤嶼與石門相望為永嘉石門之證不知此詩上二句以道經石門言下二句以郡治言詩境本有遠近安得專指此咫尺之地以實之耶亦所見之不廣矣

### 綠嶂山

在城北四十里永寧鄉

王師遇賊於上塘先設

伏於足山之麓詳退誘敗之萬麻府志乾隆府志湯志源經轉遠距陸情未畢淡漱結寒姿團樂潤霜質澗委水屢迷林迴巖逾密眷西謂初月顧東疑落日殘夕奄昏曙澈翳皆周悉盡上貴不事履二美貞吉幽人常坦步高寄逸難匹頤阿竟何端寂寂抱高一恬如既已交縉性自此出國朝陳遇春懷謝靈運追步原韻彙錄山水勝妙人維摩室木屐不辭艱淹日興未畢山霞絢古文石苔炫新質藤蘿咫尺迷竹篠參差密峯頂凌蒼雲巖罅漏紅日緬昔謝公游神理恍能悉習靜屏喧囂



履險叶貞吉蒼翠尚多羣秀靈迴非匹晦明態  
各殊溫寒候詎一日夕咏而歸白雲攜袖出

荆溪山 在城北六十里荆溪出焉宋時俞道安寇溫其

旁曰梅奧山宋建炎後於曰陸奧山俱在此入括蒼其

隆府縣志湯志

上塘山 在城北五十里國朝康熙十四年王師自

其麓卽唐蘇將軍剿山寇處乾隆志兵防形勝略湯志

芙蓉國朝陳遇春上塘山懷古詩百級層巒仰面看十二

上塘山臨風坐巖畔土人爲予言令我增三歎憶昔八

閩盜干戈聞說任囂教趙佗叛將竟將全境獻歐城遍

地沸鯨波浙東門戶已斷絕樓船無路下江沱亞夫將

軍從天降雷奮擊清妖魔駐軍險要屯羅虎伏甲寶

勝混鵲驚金鼓齊鳴萬弩發無知鼠輩投網羅奇兵更

從平堰渡西山營壘高嵯峨是知鄉導夏君聲倡率義

勇輸忠誠書生提戈能殺賊賊黨聞之心膽驚奸宄偵

伺計頗密臺卿複壁全餘生兵出橫山五鳳樓轟車霹  
震碎聯舟浮屍蔽港隨潮下可憐白骨葬江流一朝奏  
績滅封豕雙忠宸翰垂千祀英風凜凜煥始丹忱千古  
仁人誰不死汝南老宿紀成功孽素濡毫敘始終編年  
聊付青史末全書載入四庫中我聞此語重歎息勒石  
曾窺燕許筆將軍遺烈昭雲臺古剎名山壯顏色承平  
此後萬萬年一統山河光日月

### 中塘山

在永益鄉

三十

有梅林

王

國朝康熙十四年  
師收復溫州由此踰

嶺乾隆志湯志

按

同治元年處州粵匪亦由此道犯

郡

宋葉適中塘梅林詩幽花表窮臘病叟行村墟所

欣一

蕊吐安得百萬株上下三塘間縈帶十里餘荒茨

各尊

貴野徑爭扶疎愁雲忽返旆急霰仍回車蒼然歲

將晚

陸覺天象舒羣帝胥命遊衆仙儼相趨龍鶯變化

異笙

笛音製殊物有據其會感召驚堪輿妙音徹真境

態色

疑虛無問誰始種此豈自開闢初至今闕勝賞浩

劫隨

榮枯兒童候黃墮捧拾紛筐孟熏蒸雜煙煤縛賣

頌江

湖燕脂蘸羅縠絳豔生裙襦和羹事則已甘老山

中腰

以茲媚婦女又可爲嗟吁夜闌燭燼短月淡意躊

踏林逋與何遜賦詠徒區區（國朝陳遇春中塘道中詩野徑翻泥雨乍過新晴天氣快如何遠山淺色皆如畫好鳥多情亦當歌放眼纔知天闊大勞身忘却路偏頗故人聞有煙霞癖欲訪幽棲到薜蘿）

下塘山 在永寧鄉三十其旁曰響山（乾隆志）（國朝陳遇春響山詩）不亞

神媧鍊石功音傳幽谷落蒼穹月明昨夜山中坐流水聲聲天地空峭壁懸巖徑不平蜿蜒山勢復崢嶸綠波一帶看無際時曰倉山（乾隆志）

凌福山 在城北六十里一名雞嶺山峙永寧江中（一統志）

康熙府志作西北

花巖 在城北四十都有矯龍洞（舊志）（乾隆志）

蓮峰山 在城北四十一都柑溪羅川奇峰疊聳有禪寺

寺後有洞舊有仙鶴常巢於此後寺建洞下鶴遂去（舊府志）

志乾隆府志（國朝陳遇春鶴巢詞詩古洞探幽特特來舊巢遺跡見巖隈仙人一去經千載明月空山鶴未回）

東郭嶼 在四十二都一名鳳嶼出磁石新纂

櫟溪山 在四十都櫟溪出焉珍溪山在四十都珍溪出焉豫

章山同州山俱四十都扶輪山在四十都乾隆志

將軍巖 在城北四十三都形如展旗森立溪畔新纂

白泉山 在城北四十四都宋陳盈居此國初居民於此設寨與瞿口

巖頭楓林石柱等村共禦白中山寇乾隆志

邊蓮山 在城北四十五都東有延天臺西有望蓮峰西

北有龍頭巖獨秀峰並起如蓮花狀按舊府縣志作附四十六都蓋誤

近有昆陽嶺康熙志

大陽山 在城北四十六都為甌括分界處西相溪諸山

之主左行三十里為大拔山山勢陡峻石骨峻嶒上有龍井

禱雨甚驗又十里有小拔山新纂

花心山 在四十六都半坑里離小拔十里羣石環繞如

蓮葉一峯突起故名新纂

壺山 在四十六都巽澤里山形突兀如壺左有虎坪右

有龍母洞新纂

楓林山 在城北四十七都有嶺乾隆志陳遇春楓林

諸勝詩未策青藤去楓林落葉催名山空結伴驟雨失  
追陪泉響秋逾迥嵐深晝未關幽尋不可歇重巖接雲

來附近有孤山在仙居鄉

芙蓉山 在城北四十八都仙居鄉三峰聳立紅赤相映

如芙蓉然宋陳虞之率眾拒元兵於此殉難者八百人

跨四十四都蓋誤其背係

蒼山 在城北一百二十餘里相傳龍母周氏在此有廟

詞帝按是山跨四十九五十一二等都

飛龍背半枯甲光紫桂旂子子芝蓋團山蒼天碧江鳴

湍神巫胡呪踏風舞阿母高居玉府寒湘煙細綰雙鬟

小一葉隔江飛白旂風生馬鬣磳車雲手撒天膏輸地

細漿涼精潔告兮功統統鼓聲香霧濛旗脚龍孫秋蛸

老無入采珮裏珠光如玉盤好借吸乾娑竭海其支曰

靈山在五十都仙居

鄭表山 在城北四十九都跨四十六五十二等都 係蒼山支乾隆志

蓬溪山 在城北一百五十里都 上有三瀑中瀑高如

大龍湫南巔有壽星巖東有卓筆峰峰下兩巖相倚自

成石室平田中有巘三面石壁下臨深潭右壁書把釣

二大字左壁書索觴二大字詳金石新纂

九峰山 在城北一百五十四里五十二都乾隆志湯志均作三百里 國朝陳

遇春詩青峰招我游高插煙霞上一幅香山圖三三老人像 入山峰爭迎出山峰爭隨五丁不能繫欲邀恩

公 移附近有九龍山

鶴陽山 在城北一百六十里五十都乾隆志 明謝廷循居此

陶公洞 在城北一百八十五里在梅坡雁蕩山志

下奧山 在城北一百九十五里有石桅巖新纂

寒坑山 在城北二百一十里雁蕩山志

雪花峰 在城北二百二十里為入台通衢新纂

寺基山 在城北二百二十里五十都跨仙居黃巖永嘉三

縣境內 又有南正山跨黃永兩境新纂

橫山 在仙居鄉五十二都國朝康熙十四年王師運礮置此山擊破賊船無數康熙志湯

志

挂綵山 在城東北二十里其石壁立燦爛若綵繡故名

康熙志  
湯志

黃石山 在龍灣山東北一名黃社山東為黃石浦嘉靖志在



江邊

螺蜂山

在城東北三十五都

在螺溪元末村民趙亨

之菰田戴子與霞村滕子美古廟劉公寬田垌附近曰

石奧山

長江走浪粗一時墮膽笑吾徒路當陡絕纔容

趾七尺枯

曰金奧山

明崇禎時劉香老來

曰石龜山曰

聖女山曰箬奧山上有嶺

明何白宿箬奧山莊晚步溪

上田父泥飲詩林臥便寢興晏景隨偃息下牀繹道書

冥心了何得盡室事東田雞鳴古堂寂行散恣幽尋臨

流憩盤石石出寒潭清文魚媚寒碧晚風霜葉疎星星

有獲野老立荆扉知予無所適遮我謀濁醪開軒款涼

夕鄙語含箴謨先民有遺則始婉惑多歧更欲泯知識

氣狎肝膽遺形忘神累釋

相送林燈紅餘歡此何極

象浦山

在城東北三十六都

唐時田居邵拒王郢戰死於此與樂清縣接界乾隆

府志

桐嶺

在城東北六十里

按樂清界乾隆志

按西

桂松嶺

紙嶺

二嶺在柑溪大小源為台金處各郡便

道必由之路

乾隆志

網海中諸山以霓輿山南龍山為險要青輿山中界山

為門戶東洛山鹿西山為衝要大渠銅盤二山其西為內

洋其東為外洋則內外洋之界域也

霓輿山

在城東北百餘里海中有龍潭

方輿紀要海防攷倭船南北往

來多泊於此逕達磐石衛城最為險要嘉靖三十三年倭由此登劫突犯湖頭宮軍擊卻之

籌海圖編今撥

黃華港兵船於此巡哨〔乾隆府志〕此山東南風可泊  
 亦曰前山嶼旁有黃石礁北有北材嶼深門狀元奧天  
 牕奧中有重山即雞籠嶼此奧西南洋面屬左營汎地  
 寬奧山有布袋奧石子奧東廊西廊等名北為乾門  
 又北為深門北有青  
 答嶼東有百疊礁

南龍山 在霓奧東南〔籌海圖編〕賊船自北洋來必經此  
〔府志〕南龍山係外洋東北風可暫泊春夏可採

捕相近有半洋水洞二礁大小明甫與難泊

青奧山 在城東北二百里海中兩山如門宋建炎後置

砦兵〔一統志〕方輿紀要兩山對峙如門亦名青奧門宋

饒使其子傳瓘攻温州將盧佶將水軍拒之於青奧  
 乃自安固捨舟間道襲温州克之宋德祐二年元兵至

臨安宰相陳宜中遁歸青奧即此〔唐張又新詩〕靈海  
 翠峰昔賢心賞已成空只今亭館無遺跡積水

一

中界山 在城東北三百里大海中有湖田廬舍明設巡

檢司於此嘉靖中遷永昌堡

（一統志）方輿紀要（名勝志）山在青輿之東百里東晉

時居人數百家為孫恩所破今湖田猶在明洪武二年倭寇嘗犯此（乾隆府志）中界巡檢司後遷於永昌堡今廢（唐張又新詩）瑟瑟峰頭玉水流晉時遺跡更堪愁愁人到此勞長望何處煙波是祖洲

東洛山

在青輿東南海中

據海道衝要（乾隆志）

鹿西山

在青輿東北海中宋建炎後置砦兵

（宋史兵志）（乾隆志）山

係外洋據海道衝要過大小筆架觀音礁即布袋輿又有稻稈與鰓魚輿俱屬外洋

大瞿山

（乾隆府志）東為外洋西為內洋輿中東北風可泊左營汎其西北洋面係中營界

小瞿山

嘉靖志作大

渠小渠山

銅盤山

（乾隆志）其西為內洋東為外洋南風可寄旋樵汲春夏可採捕相近有長腰嶼可暫泊有雞冠嶼暗

礁宜避有大峙  
奧東北風可停

白腦門乾隆府志係內洋奧小可暫旋汲

海中山里數莫考者如白岸山松山石塘山石  
磊山鳳凰山府志乾隆志

## 敘水

敘山則自近而遠敘水則自遠而近以海爲衆水朝宗而江與溪爲水之原湖爲水之匯皆入於海蓋因委而溯其原也永嘉之水枝分派別上下河鄉由三溪匯於會昌湖分流入江而注於海永場之水皆由三四都陡門入海西柎兩溪有大原小原由永寧江入海其來自處州青田順流而下者則與永境諸水同委而異原焉今就水之大者條具原流分列如左視舊志則加詳矣而不能盡依桑經酈注之法亦僅存厓畧而已其有關繫農田之大者則別詳於水利之篇

齊召南水道提綱温州府甌江亦曰永嘉江自處州府大

溪發源

其源有二西南源曰龍泉大溪西北源曰遂昌大溪二溪合流經處州府城南至青田縣東北流數

十里折

入永嘉縣之西北境始曰安溪

自處州至青田有七十二灘之險至

此始無巨石故名

經林福小京二村南又東南至府城北有相溪

北自仙居南界大山東南流合諸溪水而南至潮滌來會

相溪曲折行三百里亦甌地巨川潮滌在城北十里

過孤嶼而東有永寧河自城西

南匯瞿溪諸水爲湖經城內外東北至海壇斗門來注之

永寧河卽會昌湖繞城內外其東南出爲瑞安河其西出爲甌湖

又東三十里經樂清縣

西南界曰館頭江又東至磐石衛南對岸爲永嘉境之寧

村所北入於海曰甌江口

此水合二府眾溪水勢甚盛口在府城之東九十里有二洲曰

大靈崑  
小靈崑

甌海 在府城東九十里一名蜃海其水源自青田流入

甌江沿江岸北行至磐石南行至寧村有雙崑山為海

門遂入於海海山之際常有蜃氣凝結忽為樓臺城櫓

忽為旗幟甲馬錦幔光彩動人

方輿紀要萬厯府志乾隆志

與台州府太平縣界為樂清南為永嘉又南為瑞安又南為平陽又南為福建福寧府界凡四縣皆東濱海其近永嘉江口者為甌海

甌江 在府城望江門外一名永寧江一名永嘉江一名

蜃江

集異記云唐元和中刺史韋宥於江澣沙又各溫上得箏絃投之江忽化為白龍而去故名

江舊名慎江江之南則有七鄉水入焉

華蓋膺符德政吹臺建牙孝義



泰江之北則有六鄉水入焉臨江仙桂賢宰沿江有三

洲西洲蒲洲任洲入江有十三浦上成浦竹浦桑浦歐浦西郭

浦白沙浦梅與浦通江有四港安溪港荻溪港由安溪

順流而下北岸則自茭洋厯白沙靈福荻溪港口白上

荆溪港口小荆雞籠嶼梅與礁馬與倪堡河田羅浮華

嚴柵溪港口強奧挂採象浦口以至館頭計水程一百二十里入

海案北岸之水由青田城外東流至安溪北有吉溪南

黃壇二水來會又東流至陸奧三十里陸奧北連沙頭

上承黃邑來源乃大小源分派陸奧承小源支流北承

仙邑諸溪水路程二百八十里為外西溪又東流至焦

山十里又東流至柵溪港口二十里柵溪源出天台諸

山至洋與高浦為大源有李樟蓬小藤珍櫟羅計八溪

水合流而南至潮際路程三百餘里來會為柵溪港入

江又東流至館頭江三十里與樂清分界統計北岸一百二十里南岸則自茭洋渡歷

桑溪殷溪驛頭西洲外村漳巖江南上戍浦口漁渡林

頭塔山竹浦巖門巔頭桑浦吳崎迎恩門永清門望江

門計水程九里以至蒲州龍灣崎頭入海案南岸之水由安溪對峙之沈

奧北上五里曰小市與周頭水合流至沈奧又東流至橫山外洋三十里有殷溪龍溪葵溪三水來會又東流

至菰溪三十里有梅溪藻溪二水及竹浦巖門諸水來會又東流至西門外太平嶺脚三十里又東流至東門

外海壇嶺五里計南岸九十里其潮汐長落西至安溪北五里又東流至龍灣三十里

至潮滌為止北接館頭之青奧鹿西鹿東諸山係甌海

界南接崎頭之寧村沙城梅頭諸地抵瑞安界舊府志名勝志

寰宇記嘉靖志乾隆志新纂唐孟浩然宿永嘉江寄山陰崔少府國輔詩我行窮水國君使入京華相去日

千里孤帆天一涯  
昨聞海潮至  
起視江月斜  
借問同舟客  
何時到永嘉  
張子客返永嘉  
江日暮迴舟  
詩無雲  
天欲暮輕鷁大江清  
歸路烟中遠  
迴舟月上行  
傍潭窺  
竹暗出嶼見沙明  
更值微風起  
乘流絲管聲  
宋趙抃  
遊江心詩  
峯面雪粧銀  
世界江心春  
動錦波瀾  
趙抃  
矣君知否  
莫作風流太守看  
江心遊同永嘉  
守宿江心  
詩使君千騎駐霜天  
主簿孤舟夜不眠  
好與使君同  
意臥聽鼓角大江邊  
明別駕桑瑜詩  
畫舫衝寒曉渡  
江淡烟籠水碧茫  
茫黃茅野店鷄啼  
月紅葉山村犬吠  
霜到枕鐘聲催客起  
眠沙鷗鳥笑人忙  
爲官三載成何  
事贏得新詩滿錦囊  
侯一元夜渡歐江詩  
暝色渡歸  
槁長風動次寥漸藏  
江岫月正落海門潮  
委運同飄瓦  
全生學緯蕭  
江湖易成夢  
頓欲謝皇朝  
謝鐸渡歐江  
詩酒盡雙門鼓  
亂樹滿船秋  
思闊無涯  
敢從平地思  
浮海且向空江學  
泛槎蜃氣遠  
吞青嶂日嵐  
光高映赤城  
霞望中咫尺桃溪路  
三徑分明是我家  
周應期江心  
和先太史韻  
漫傳世外有蓬萊  
靈境中流不染埃  
欲借  
羽輪來作揖  
翻疑蜃氣結爲臺  
望窮蒼漢江  
雲起醉倚  
危樓海色開  
試讀舊題先德在  
萬重錦浪破春雷  
何  
白頭江曉發詩  
雞鳴啟嚴城  
游山遲明發  
篙師趣越船

征撓暝相夏淒冽交遠風沿洄盪寒月海霧互微茫江  
流但滲瀉扶桑蒸赤霞東方漸昭晰四望珊瑚平脩然  
坐溟渤黃宗揚江心和韻詩雨過潮生江勢平閒看  
儘得暢幽情諸天闕鎮蛟螭伏四水雲扶島嶼輕檻外  
帆檣飛遠浦鏡中人馬鬧嚴城綵峯落照催歸棹輪却  
漁翁釣月明國朝薛英中秋江心觴月詩用王梅溪  
九日飲酒韻中秋孤嶼攜尊酒占却滄溟千萬畝浮雲  
淨掃太虛清皎月一輪懸海口主人豪飲壓江波預卜  
佳辰集羣友老樹風生野鶴驚危磯潮雜蒲牢吼臨江  
縱酒呼明月酒落杯中月落手河漢聲流宰堵高直欲  
振衣上牛斗古人已往皆陳迹來者紛紛續其後海外  
神仙亦浪傳人閒良會能長有試看當年駐蹕亭祇今  
惟見青苔厚狂吟不放月空斜過此還期九月九戚  
學標溫江晚泊孤嶼亭何處看山仰白頭翠深開斷壁  
紅滿帶汀洲宿鳥孤村暮寒蟬老樹秋未成游碧海心  
折此淹留陳遇春江行詩試啟蓬牕望江浦濛濛山  
氣閣於雨須臾紅日昇東溟遠山一碧淨天宇此時烟  
霧豁然開千紫萬翠江上來天然圖畫咸在目一棹清  
風欲溯洄我乘輕舟飛如駛好景侵晨不勝指促膝泥  
有素心人高歌酣飲浪花裏又待潮我從相溪歸言

渡臨江水晚潮待不來早潮云已止遍仄扁舟中相對  
惟舟子鬱鬱羅浮翠高出烟雲裏九斗共蒼茫一一沈  
波底遠樹出城根迢遙辨井里未濟跡雖紆靜觀心亦  
喜眼前隱現閒好景不勝指漸看潮又回明月挂山鰲  
城外河道 以會昌湖卽永寧湖爲總匯源出十八都瞿溪郭

溪雄溪諸山瞿溪居中自瑞安方山鄉來源與本邑泰  
清建牙二鄉合流迤而東北至前湖卽仙門湖里與雄

溪支流合又分一支至岷岡山下統至暘奧里與郭溪

支流合郭溪源出天長嶺嶺後西達油竹橋通青田四都東流轉北會

瞿溪又有一支過岷岡繞瞿溪山又繞雄溪山合流雄

溪源出瑞安諸山又西承青田來源本邑十八都有埭溪源出瑞安諸山湫曰曹埭爲永瑞青三邑勘定分界

北流經岷岡山迤而東北會瞿溪支流統聚暘奧東流

至郡城來福門外十里匯於會昌湖共上鄉水程三十里自此支分

西流者二江一經水心過將軍橋流至西門外蓮花埭入江一經青雲橋過西門外海聖宮陡門入江

支分東流者五一自瑞安門釣橋經飛霞洞前與隆橋至鎮海門外陡門入江一自雙蓮橋

經塘湖過通津橋即賣麻橋至九都上陡門入江一自三自吳橋經瓦窰湖過金龍橋至上陡門入江一自三

板橋經南塘湖過蘆浦橋至九都下陡門入江一自永寧門外永泰橋經廣利橋過天后宮前至鎮海門外

陡門入江會昌湖東南行為瑞安河在大南有慈湖山麓

來水入焉南有鶴溪源出吹臺山東流與南塘河會迤

南至南湖汎里十又南至白象橋里十又南至帆遊橋里十係

永瑞兩邑水陸分界共下鄉水程三十里惟自南塘東行曲折至

茅竹嶺下計三十里此上下河鄉之水道也舊志採訪冊按三溪水

匯會昌湖由湖入城者向因南塘三井巷口有湖隄過其前下使水倒流過北便入大南水門今隄塌莫禦水便順下以致內城水濁然其古昔勢形可考亦宜亟復也

城內河道 由會昌湖入永寧門過梯雲敬亭二橋匯為

雁池城西河放生池此三匯乃瀦水最寬府治四圍有

濠其餘支流條分縷析昔人謂一渠一坊舟楫畢達居者有澡潔之利行者無負戴之勞今淤塞雖多而名跡

尚存稍大者南為大九曲小九曲東為謝池饒餅河康熙

志俗名金釵河西為幞頭河康熙志狀城隍廟前河為

蜃川康熙志即舊浣紗潭俗呼五十丈一名斜川國朝朱彝尊詩九曲斜川水分流到海濱金釵河上

月留照為新河康熙志五代北為百里坊河貫城水道浣紗人僧德倫開

則自永寧門入者支分而東與瑞安門內河會循大街  
池北由觀橋至奉恩水門出江是奉恩水門爲內河之  
尾間也 舊府志永寧河在府治南受三溪水入永寧  
水門爲一城水口轉府前而西爲冰壺潭而瑞安河在  
府治東由謝村而東爲伏龜潭即碧波潭由康樂坊而東爲  
潦波潭又府治東南有大小九曲河又二玉帶河一繞  
府學一繞縣學前又有金釵河在鎮海門內又府治西  
有新河幙頭河又府治北有百里坊河由坊口直達西  
之蜃川湯志蜃川即西城內濠以西城枕水如臥蜃象故名自西南至西北凡九曲曰浣紗磧放生池  
樂湖荷花灣西澱廟灣綺川虹橋匯津其旁漁家列居曰漁郎洞舊志謂立郡時因西城跨水負虛立平水王



祠鎮之或云臥蜃原有水門與永嘉瑞安二水門並迎來水顧臥蜃水門不知在何代閉塞無跡可考聞宋涪熙間薛良齋先生有修臥蜃象水門記但未得其詳耳今按瑞安孫氏新刻良齋浪語集無此文又云

郭璞卜城時謂城內五水配乎五行遇潦不溢東則伏龜潭南則雁池中則冰壺潭北則潦波潭西則浣紗潭

北源出郭公山址南源出松臺西麓匯為放生池餘見

古蹟門舊志

二十八井 在城內見古蹟門

河鄉水源

瞿溪 在城西南五十里源出瑞安芳山鄉諸山至前湖

轉陽輿總入會昌湖

嘉靖志乾隆志 宋薛景石宿瞿溪詩船泊西溪岸人家晚更春塞

星寒有雁村寺夜無鐘竹徑通新店茅柴煖病容農夫  
不相識問我欲何從（國朝朱彝尊詩鳥驚山月落樹  
靜溪風緩法鼓響  
空林知有山僧飯）

雄溪 在西南四十五里源出瑞安諸山北經岷岡東北

會瞿溪總入會昌湖

嘉靖志乾隆志中詩幽居十日閉茅堂偶著綸巾

問野芳細雨斜風吹鬢影白鷗畫槳共湖光花枝作旆  
村醪熟土鼓迎神社飯香向晚詩成雲水暝高歌擊楫  
和鳴

郭溪 在西南三十里源出天長嶺合諸水東北會瞿溪

經岷岡繞瞿溪雄溪兩山合流入會昌湖

名勝志乾隆志

府志按郭雄瞿三溪之水至府城西有河三道其下即  
城下濠河經廣濟橋出大陡門一在濠河右至廣濟橋  
合流出陡門一經下橋至浦橋築埭以蓄之河凡九曲  
俗名九曲河又有橫河在大較場與九曲河通俗名南

輿地

敘水

七

河舊因埭廢潮淤田畝失漑乾隆二十四年春紳士林朝慶陳光筠等捐濬積淤成田擬作文昌祀產河始暢流

陽湖 在城南十里十五都匯陽與諸山之水有浮洲明

王叔杲治別墅於此

康熙志乾隆志登高兮遠望憩余駕兮湖之陽

國朝謝包京賦

水兮澹澹湖山兮蒼蒼上有千霄之喬木下有映水之長楊重門複道峻宇雕牆歌臺舞榭飛閣洞房不知往者爲誰之堂習池既淤梓澤就荒星移長史之宅鳥散午橋之莊輞水靈切空悲昔有平泉怪石重嘆今亡所幸湖光無恙烟景長留金粟之嶺谿窈而橫插錦堤之浪蕩漾而斜流雙嶼峩峩而東峙五峯鬱鬱以西浮君子建霞標於天半吹臺擁笙鶴於雲頭朝晞則千巖吐爽暮靄則一鏡涵秋遙而企之疑鑿開青帝春風之圖近而卽之似移來瀛洲丹水之邱斯仙靈之窟宅宜嘉遁之遨遊於是僕本野人心懷幽谷感逝者之如斯爰定居於湖曲宅隣謝眺本愛山青園近仲長惟耽水綠爾乃翦榛開徑誅茅架屋門香草而當河室芝蘭以背

陸階吐青苔窗含翠竹庭取蔭於高松戶因籬於叢菊  
左琴右書且絃且讀馮往聖於几筵嚮衆山於幽獨靜  
依約以養和動適時而觀復刈百氏之榛蕪播六籍之  
嘉穀積篇什爲厥庾寶真詮爲珠玉科頭晏起便腹晝  
眠思小人之勿用悟大道之無偏蟬蛻乎露螳慕乎瘴  
鳥鳴灌木魚躍重淵審物理之異宜亦各適其所適而  
同歸於自然況吾生之譴薄亦奚取夫碌碌而重之以  
雕鐫仰以事俯以畜潔旨甘娛采服友同心權比目啜  
羹藜飯脫粟抱孤雛舐愛犢試塗馬規刻鵠穀可以貽  
何求乎芝芬甘可以分何計乎蘭馥或詠鷦鷯或舞鸛  
鵲濁醪半壺閒棋一局緩步安於蒲輪晚食美於鼎肉  
酌寒泉而有玉醴之甘被袷褐而有重裘之煖竹牀石  
枕樂於華胥雨鐸風鐸清於廣樂蓋聞足乎人者神休  
役乎人者形渥吾將以此謝紛華返淳樸屏囂諠守恬  
漠戒滿盈鑒止足長含哺於堯年保餘生於耕鑿豈日  
薰以香自焚木以材自伐身爲我枯智爲我毒蹈接輿  
之高風踵子真之芳躅也哉維時青陽司令王睢鼓翼  
嗟我農人匪田胡食乃徂隰畛乃集疆以身襁褓而頭  
蒲茅朝犁雲而夕鋤雨推髻子魚之妻蓬頭儒仲之子  
小大具來或耘或耔迨夫黍稷盈疇華實被野芳菲香

杭山際瀾和赤穠紫芒白莖黑秬莫不異種殊根兼收  
並庠幸歲功之順成竊巡阡而色喜上足供稭穗之輪  
將下足備苾芬之享祀場工既畢歲序將闌念三時之  
拮据思一日之歡顏爾其高吟藪澤長嘯林巒仰飛獵  
繳俯釣寒潭利鏃斯觸芳餌載吞浮錦麟於碧水墜逸  
翻於雲端夫何義和弭節曜靈西匿鳥難流聲烟含樹  
色肆盤遊以極娛敢日入而忘息理策振衣駕言遄歸  
倚荆扉而伫月呼童子以烹魚招良朋於近甸乃酌酒  
而賦詩懷九閭而日遠庶爲善於鄉閭奉先師之明訓  
甘飲水而飯蔬倦考槃之碩人冀晤言之與俱旣優渥  
以自得願與世而長違悲靈均之煩亂從詹尹而卜居  
雉戀媒而膺銷蘭當門以遭鋤胡伊人之耿介竟憔悴  
以如斯苟余情之信芳雖一壑而可怡懷良辰而獨往  
夫又何卜而何疑（明何白陳公衡明府招集同社泛舟陽湖得雲字詩）秋色南湖惱令君扁舟狎長白鷗羣  
千峯青送蕭蕭月四野寒飛莽莽雲客有蘇門舒鳳嘯  
劍從延浦合龍文無論象緯關今古此夕風期未易聞  
有來山突兀欲往水流連秋葉憐衰病春花感盛年倚  
闌無一事珍重賦遊仙（卽此事田家林塘竹徑斜罷）

栽彭澤柳來種邵平瓜倚杖移長晝開  
尊駐晚霞洒然婚嫁畢五嶽未爲賒

白泉 在城南十里水甘冽府志詳敘山西山下

德勝湖 俗名坭塘河康熙志

鶴溪 在德政鄉一名蔓浦溪源出吹臺山與南塘河會

萬厓志  
乾隆志

慈湖 在城南二十五里吹臺山下合南境諸水入瑞安

河宋吳濬建塾於此以知州楊簡號慈湖禮之故名舊志

一統志輿地紀要  
康熙志

會昌湖 在府城西南五里受三溪水匯而爲湖瀾漫巨

浸起於漢晉間至唐會昌四年太守韋庸重浚治之因

名其近城西者曰西湖在城南者曰南湖實係會昌一

水耳

輿地紀要府志

明何白歸舟至會昌湖遇大風

奔濤潤溜縣六龍卷海雷聲怒扁舟初出會昌湖六鵬  
退飛那可渡兩涯不辨望欲迷咫尺風波如濫潁雙童  
舞漿顛且僵泄雲痕藉難禁當空中斗笠出還沒浪底  
孤篷低復昂一葉浮沈寄微命去留不得翻倉皇眼望  
前山逐飛電樹杪河流時可見柴門漸近劇傳呼稚子  
竹中燈火亂燈前放歌公無渡河百年一日哀樂何多  
拂衣脫帽澆以酒耳熱起舞朱顏酡君不見人心波瀾  
更難測平地虎鬚高百尺今日下堂昨傾國朝種芝蘭  
暮荆棘拂牀且就北窻  
眼夢破華胥東日白

西湖 在小南門外自城外西繞甌浦山下北至西郭陡

門南通淨水陽奧及西南諸鄉之水支渠詳見水利

嘉靖

志乾隆志

南湖 在大南門外吳田下自城東繞花柳塘南自南塘

至帆遊橋接瑞安界通東南諸鄉之水支渠詳見水利

康熙志乾隆志湯志 宋謝靈運南湖詩昏旦變氣候

山水含清輝清輝能娛人遊子澹忘歸出谷日尚早入

舟陽已微林壑斂暝色雲霞收夕霏菱荷迭映蔚蒲稗

相因依慮澹物自輕意愜理無違寄言攝生客試用此

道推 宋仰忻南湖詩酒旗翻野色漁棹弄秋光百里

荷花境曾圖入帝鄉 徐璣夏日南湖訪隱士詩煩暑

何能避孤舟訪隱人水鄉菱蕩熟晴野稻梁新力

學師前輩談空悟宿身鏡湖三百頃不似此湖濱

蟾湖 在瑞安門外宋白玉蟾居此故名

康熙志

月湖 在廣化廂當人烟輻輳之地居民藉以汲飲 國

朝乾隆間巡道吳士端修濬有碑

乾隆府志

杜奧溪 在德政鄉十一都源出大羅山西谷之水引為



杜輿溪經縣南二十里入慈湖

乾隆志

姚溪 在城東南膺符鄉五都源出大羅山東谷之水引

為姚溪自洪巖鄭輿流三十里經縣東五里入永寧江

明邑人張孚敬讀書於此後勅建貞義書院

康熙志

張孚敬姚溪窮源記環輿皆溪也中分為二而復合余書院立焉既訖工釋菜開講時同志從游者幾三十人一日水落溪漲余曰有本者如是列者曰可得真源乎予曰試相與窮之踰明發從余者凡八人徐生道婁生恪項生相夏生鯨其曰鈿曰鉄曰純者皆姪也同溯溪澗而行水清沙碧可見伏魚有雙巖倚附名為石門過此則皆亂石水激之冷冷有聲道與純絢皆疾足遂此渡溪陟嶺余自下望之並出青雲想像如人在而非真也乃自先行至一石室坐候之少焉見落花自上游來疑為真桃源而非人世矣蓋其三人取繁花亂插之而棄其餘遂作落花流水之勝亦其風致也既而至一潭名洗足潭水色如藍相傳以為嘗有異人洗足

於此又一潭名簾絲潭相傳以爲其底通海非簾絲所能測也及午飯僧舍山雨忽來乃就禪榻以臥既寤雲散天朗山氣益清遂至一潭名版障潭壁峻削如版障然下深無底常有潛龍故名臥龍潭其平巖有竅小如盤大如盂相傳以爲神物卷刮而成旁又有一大巖水激如礮可坐三十人余與諸生憩焉取杜子美詩誦之道生起請名其所以余名之曰道生又請名之余名之步見一巖圓如人顱口輔俱足道生又請名之余名之曰一笑巖其中地復寬平溪皆沙土無亂石其上名爲楓臺爲鴻巖爲鄭奧路歧多所出入過此則遙望兩山突兀峻極不可登矣然則茲溪也其源也可得而窮乎夫觀水而不窮源非知本也源而可窮非真源也於此且復有忘返之懼遂相與詠歌而歸再經吟壇之上余與諸生皆力疲復就石偃息睥睨宇宙之寬而不知吾身之何在也昏黑歸院忽有悍吏誅求窮民其婦抱子疾聲求援余進諸生語之曰今日之行樂矣乃復見此能無憂乎范希文謂士當先天下之憂而憂後天下之樂而樂盍與汝輩思之諸生曰命之矣可識之以示勿忘遂篝燈書之

國朝張涵施溪山積翠亭記  
名山此

蓋非也觀山多菴刹具林泉諸勝舊少構亭以爲麗矚  
非躡屐之無人蓋買世南廟碑者稀也夫存心濟物視  
其人之力量得爲而不爲與欲爲而不爲皆非也而貴  
賤可無論矣山人某獨居一屠蘇志非能及遠一旦用  
其拮据之力釀斂緡錢伐石構木爲亭於姚溪山中又  
自出囊金以落成之先難後獲天下事何者不當如是  
耶使士大夫輩用此心以及民物其於乾隆庚辰臘月先是  
是亦異乎見義不爲者歟亭創於乾隆庚辰臘月先是  
未有題額余於辛巳三月既望過此山人請書以示後  
余思古之風亭月榭大抵有爵秩者所爲柳子厚謫楚  
南以愚名池後作八愚詩記於石皆不憚以山水之公  
而私於一己余賤無名位又不欲拒山人之請因頽之  
曰積翠蓋以嵐光山色晦明風雨極四時萬變畢萃於  
此任古今之游者取給焉況有字宙卽有山登斯亭也  
亦可知往者來者固不一人而其間與名山並壽者曾  
不多觀且以悟盈虛消長之理無往不在而天地無盡  
之藏寓於此矣非第足資棲息已也西嶺有烏巖距此  
數百步前明月川李公及我族先世樸菴公侃曾有句  
鐫焉余於雍正甲子亦鐫其語於旁豈好爲名哉亦竊  
仿古人遊歷之意踴躍而爲之耳亭之大不能半畝上

度雲霄旁羅松柏頗能實諸所有更酌酒賦詩咳唾珠  
玉可使山靈呵護達觀之士自必顧而樂之後之人隨  
時而修葺焉雖謂同於杭之放鶴滁之醉翁亦無不可  
則余斯記之作當非空言者矣豈直一僻壤之區與數  
百年之業哉然則山人拮据  
之力固未始不有助於余也

滄湖

在城東七十里下河入海其地亦曰湖頭

府志乾隆志

雙溪

在城東南華蓋鄉二都源出雙奧山

舊志湯志明何白雙溪

晚宿詩籃筍度西嶺落日山崢嶸流風蕩煩煥日霽寒  
泉清薄暮藹芳樹遠翠空烟生掃石一流憩嚙嚙元蟬  
鳴遙想故山夕應憐行客情雙溪曉發詩雙溪百里  
翠撲眼天劈兩峯開勝觀杏花壓雨倚春態櫛葉拂雲  
生暝寒旅夢不迷越山岳客心無賴隨風  
湍芳堂日午息徒侶濁酒劍歌行路難

白水溪

在華蓋鄉一都源出楓臺山三水盤旋一二三

四都其支流大者為湖邊為金輿河為水心為新河為

寺前爲下洋河爲莊瀆河爲廟上河俱由三四都諸陡

門入海

萬厝志

江鄉水源

安溪 在城西北九十里二十七都上接青田惡溪七十

二灘之水至此始安流故名

方輿紀要永嘉記乾隆志

詩小艇安溪泊風微細浪生遠山波際影孤雁月中聲  
纜解乘潮去舟聯並櫓行雞鳴天未曙埤圯已甌城  
沈停弇安溪待潮至郡城難多未許客兼程怪道溫溪  
有惡名欲速偏遲宵問鬱又離將聚夢分明三更潮落  
催雙槳千里人來隔一城祇待金吾魚鑰啟江心寺畔  
聽鐘聲  
梁章鉅詩荀輿換得木蘭雙棹確聲中是怒瀧  
七十二灘都歷遍  
安溪真似竹崎江

吉溪

在仙桂鄉接安溪港

乾隆志

桑溪

在仙桂鄉接安溪港

乾隆志

明何白舟次桑溪待潮詩落帆淺渚逗蘅皋瓦

盤蓬窻試濁醪碧水鱗鱗魚浪動青天翦翦燕風高

荆溪

在仙桂鄉三十二都水出茶坑入甌江為荆溪港

乾隆志

籌海圖編嘉靖丙辰賊由天門埭至平陽青田越小峙沿江而南遂入荆溪荆溪通仙居樂清之孔

道也

宋劉安上荆溪有懷詩自從南郭得三椽怕趁

荆溪半夜船每望白雲驚歲月空將清夢遶林泉雖因追遠時來此又見登高意愴然極目不知多少恨一聲孤雁夕陽天

菰溪

在臨江鄉二十八都水出梨村黃壇為菰溪港

嘉靖

志

殷溪

在臨江鄉二十六都

乾隆志

龍溪

在泰清鄉

乾隆志

葵溪

在泰清鄉二十五都水出夏奧

乾隆志

梅溪

在泰清鄉二十三都水出天長嶺

乾隆志

藻溪

在孝義鄉二十一二都源出嚴門竹浦入甌江

乾隆志

志

柑溪

在城北十五里

方輿紀要嘉靖志俱作十里

源出天台仙居諸

山有大源小源從東南流入界與本邑仙居鄉之李樟

蓬三溪清通鄉之小藤珍樵四溪賢宰鄉之羅溪共入

水合流而南至潮際迤邐三百餘里入永寧江爲柑溪

港蓋合北境四鄉諸水源遠流長下通潮汐俗稱北港

此卽永嘉記所云甌水出永寧山去郡城五里入江也

永嘉郡記一統志寰宇記明史地理志嘉靖志乾隆志

宋戴養伯相溪暮春詩家住相溪欲盡頭茂林脩竹

幾清幽菰蒲漲綠蛙專夜樹葉吹寒麥半秋修禊從教

非節物舞雩元自有風流明朝酒醒春猶在更向長潭

上小舟國朝韓則愈相溪詩相溪十日游村村皆圖

畫修竹帶長松奇石俱堪拜溪水遶屋流石罅自飛酒

靜坐如太古時進父老話鳴吠亦相聞民力亦何憊長

跪前致辭民窮因寇壤賦役不能供負罪良足喟聞之

長歎息暮雲暗山柴朱彝尊雨渡永嘉江夜入相溪

詩落日下崦嵫飛雨自崇壩駕言出北郭汎舟橫江東

近岫既陵緬遙岑亦濛籠蔥青水竹交乃有樵徑通潛

蚪寒載蟄海鷗夕來雙願望雲葉開張星昏已中荒岡

響哀狖淺渚遵輕鴻故鄉日已遠川路靡克終寄言碧

蘿客歲晏期來同陳遇春相溪道中詩澄碧濃藍夾

路迴崎嶇迢遞入巖隈人家隔樹參差見野徑當山次

第開亂鳥林間饒舌過好峯天外掉頭來莫嫌此地成

蕭瑟一縷茅蕨去復回曲曲山坪疊疊溪山一路

白雲齊清灘亂捲金沙水蒼嶺高綠石壁梯名士醅錢

多入社野人問姓牛扶犁沿澗

欲向前溪去恐是桃源路更迷



珍溪 在城北二百里清通鄉四十一都水出雙坑入柑

溪

乾隆志

樵溪 在城北二百里清通鄉四十二都水出楊坑入柑

溪

乾隆志

藤溪 在城北清通鄉四十四都水出大若巖入柑溪

小溪 在清通鄉四十六都水出界坑入柑溪

樟溪 在仙居鄉五十二都水出雙坑入柑溪

蓬溪 在仙居鄉五十都水出西坑入柑溪

俱乾隆志

李溪 在城北三百里仙居鄉水出菰田入柑溪

乾隆志宋徐

照李溪曲別鄭遇詩七十二灘聲共聞一朝路  
向李溪分梅花無情動春夢未好憶家先憶君

羅溪 在城北三十五都賢宰鄉入枏溪〔乾隆志〕明何

月至羅溪詩火雲如織倒波赤江魚掉頭鳥拊翼日落  
羣峯烟翠深水風野色清人襟停舟遙望林烟起稻涼  
沙路平於砥前邨綠樹明  
月來照見隔溪人渡水

浦口

外沙浦 在鎮海 礁頭浦 在仙桂鄉 竹浦 在孝義鄉

桑浦 甌浦 在城西 象浦 在賢宰鄉

上戍浦 城西北四十里 白沙浦 在臨江鄉 朱村浦 在廣符鄉

河田浦 在三都 西郭浦 在迎恩門外 黃石浦 在龍灣

梅輿浦 在二都

〔附明〕姜準歧海環談永嘉山龍來自括西駛至海而盡  
為永嘉場其支分於北為郡城於南為瑞安永嘉場雖

僻在海隅實中出之幹也北爲甌江南爲飛雲兩江夾  
護東匯於海而島嶼環列來龍疊嶂從西南降勢悉爲  
石岡散氣鋪陽而聚於二三都又當海之眠弓故富顯  
者每產此惟居者皆徂於南向爲上不知右山左海而  
上壓下空雖稍近內水非正局也今既倡議築堡乃宅  
中居東坐山面海天馬在南黃石在北大海帶環內河  
四達其一郡形勢蓋如此又郡城爲晉郭景純所定跨  
山爲之其三溪之水由小南門進城匯於雁池過府治  
遠城西河纏轉倉橋界住來龍正脈其河仍北過天監  
寺前海壇山邊開一水門引江流與河會合矣若登譙  
樓一望九斗環繞隔江永寧爲後託非不美觀但右邊  
西山峯頂雖秀而山脚反挑向上賴有松臺山一遮不  
甚見其反背東畔長江之外挂綵諸峯高聳如插戟護  
垣而瞿嶼一山自挂綵穿江而來作郡城水口惜其低  
小而面又南向雖有茅竹山南屏山障住江流但相去  
頗遠所可取者惟此龍盤轉向西落頭是一大逆局而  
內河外江又纏其後故水口雖無重山疊嶂而亦可以  
發福從永寧山一望兩邊俱開大障左翼至千石右翼  
至焦頭用江心兩塔爲羅星其中真有融結也案此  
雖近形家者言而其論山川形勢瞭如指掌故錄此

## 水利

永嘉水利大概有三在城內者以蕩淤墊通舟楫爲利在河江各鄉者以護塘埭復陡閘爲利在海濱者以固斥鹵慎隄防爲利前人成法如韋公之築隄沈守之修南塘韓湯二公之開城河董譚二公之築沙城皆躬親督役卒底於成千百年來至今利賴使旱澇無患蓄洩有資伊誰之力歟若夫因循苟簡壞者不復修廢者不暇舉舊志所已載者今昔殊形其閒名存實亡相望於冊聽民之自爲修舉而董勸無聞其何以爲一勞永逸之計哉長民者果能相其輕重而加之意則仁人之利

溥矣

康熙志曰永邑環山平行驟雨則虞溢瀕海易洩稍旱則虞涸其地西高東下諸水多自西而東經絡於原野之間支分派合雖大小淺深不同其沃土壤而饒百穀便舟楫以濟不通爲利一也是水利之關於民事重矣而陡門以時其蓄洩塘埭以捍其衝溢則旱澇皆備近者陡門塘埭存廢不一若爲旱計宜整葺陡門準合水則設閘夫以司啟閉爲澇計增護塘埭濬復水湫督圩長以防緩急是在今日次第修舉庶幾斯民其有賴乎

城內水利 由會昌湖入永寧門內支派縱橫嘉靖志案

舊志府城內原有錢氏子城城四面有壕上下岸各有街彼時一渠兩街河邊並無民居宋紹興間下岸街許民告佃自是稍架浮屋久而侵塞舟楫難通火患罔備

淳熙四年知州事韓彥直募民開濬州人刻石記之

宋葉

適永嘉濬河記溫州並南海以東地常煥少寒上壤而下濕昔之置郡者環外內城皆為河分畫坊巷橫貫旁午升高望之如畫奕局永嘉非水之匯而河之聚者不特以便運輸吉舟楫也而以節地性防火災安居利用之大意也其後承國家生養之盛市里充滿至於橋水隄岸而為屋其故河亦狹矣而河政又以不滿至於橋水發閘伍之民以濬之或慢不能應反取河濱之積實之淵中故大川淺不勝舟而小者納汙藏穢流泉不來感為癘疫民之病此積四五十年矣淳熙四年戶部尚書韓公之來守也其九月卽用州之錢米有籍無名者合四十餘萬益以私錢五十萬命幕僚與州之社里長募閒民為工一萬三千有奇舉環城之河以丈率者二萬

三百有奇取泥出變兩岸成耶村農聞之爭喜負去一日幾盡畢事則天雨兩旬於是灑濯流蕩而水之集者深漫清泚通利流演雖遠坊曲巷皆有輕舟至其下民既得以舒鬱滯導和樂而公之治遂以清平而成蓋先王之政以養人爲大生聚所資衣食之有無此上之責也封疆道路城郭溝池其修補濬治之功此民之力所能自爲也使官亦爲之則費而難給矣後世道失乃以廢官益民者爲政之大然吏懼其費而不復爲之或不不知而一委之民也而其勸之或不能以其道使之或不盡其術則徒擾擾而已矣夫上之於下豈必與之較哉民以爲不能者官自爲之可也民有四五年之病而上無一日之救則非仁者之用心也公之爲是役也以載公之仁亦欲使後來者知所考云

明洪武中

信國公湯和奉命巡視海上築衛所諸城開城內各河民於百里坊街建德新坊以頌之嘉靖十一年有司以少師張公意欲盡拆沿街橋棚開復舊迹衆皆稱便然但

行於百里坊前街新河三處餘未及也今城中水利最  
急者在疏濬兩南門至奉恩水門一帶河渠每春夏秋  
閒淫潦泛漲開城外陡門隨落潮放出潦水以宣積穢  
此大利也若偏曲坊巷河渠能一概開復如蘇州府城  
隨處輕舟可到則尤利便矣 國朝康熙九年副使許  
重華委同知張經督民開濬以通舟楫（康熙志）以士民  
開濬內外舟楫可通知縣王世（康熙志）以士民  
顯馬珙俱經議復會變中止 雍正八年知府秦玠知

縣羅秉禮諭居民各濬門前河道禁止私搭浮棚（案跨河架  
屋居民每順便拋穢河道光十七年知縣周含萬勸捐  
壅水臭現宜分別禁毀 道光十七年知縣周含萬勸捐  
重濬同治閒巡道周開錫郡守裕彰先後分委員紳開



濬深淺未合水則且不挑及小河故至今仍有淤塞者

嘉靖志康熙

志湯志新纂

城外水利 統於會昌湖受三溪之水又分爲南湖西湖

嘉靖志

湯志

西湖

旁有韋公隄

刺史韋庸築

其水西一支過社壇橋至甌

浦山下北一支過行春橋至西郭陡門下又一支過綠

野橋通城下濠至廣化陡門一支過山川壇入坭蕩河

通淨水新橋陽輿而中一支達玕嶼梅嶼仙門潘橋岷

岡方輿桐嶺北一支達渚浦黃橋韓丈宋輿郭溪雄溪

瞿溪南一支達瓶社上園婁橋東坑石瀨礁下分流別

派旁通四達焉

嘉靖志

南湖 其水一自車橋通花柳塘達朱村陡門一由古船場達外沙陡門一自南禪橋入荷花蕩達山前陡門一自巽山下過茶院寺出南塘直抵瑞安縣延袤七十里東一支自李田橋划龍橋南通黃社仙洋北趨蒲洲新建茅竹陡門又東一支自白塔寺後入信奧丁奧杜奧泉村木舟洋西一支自吳田爲吳橋港

國朝朱彝尊詩聞說吳橋港

荷花百里開當年王內史五月權船迴

入慈湖竹奧又西一支自鵝頸頭

過頭陀寨下至帆遊接瑞安界

嘉靖志

水則 在城內譙樓前五福橋下已見金石門

塘埭

南塘 在大南門外直通瑞安東門舊稱八十里荷花卽

此塘也宋淳熙十四年郡守沈樞脩舊府志宋陳傅良温州重脩南塘

記自中興永嘉爲次輔郡其選守蓋多名卿大夫矣然境內有宜治者三間歲貢士郡試且萬人於浮屠宮中草舍託處一宜治兵與民雜居頡頏市人閒要束不行而鬪訟多二宜治州城外南達瑞安有石塘百里所不知起何時而歲積壞傾者爲嵌陷者爲匯遇時潦咫尺不得進往往溺死自閩山至於吳會去來者病之三宜治而歷年久更太守幾人皆畏其役不敢議議輒弗就雖僅就亦苟簡復廢者何哉吳興沈公治郡之明年謂賓佐曰上方朝德壽宮爲壽加惠寓內詔減算錢之半吾屬備數奉詔何以仰稱而適無一事可以宣勞效能廣上意者唯是郡之百廢終將累民吾幸逢年帑有幣餘而嗇其藏失今弗圖以煩後來將安取此也於是作貢院於是作五營蓋晚而有以塘事告者公與通判率兩邑大夫卽里居謀曰役復有大於此者乎奈何使吾

民鑑聚錄歛竊自支補甲前而乙卻也苟無愆時工勿問庸幾何苟無乏事石勿問價幾何與匠肯來市無強賈自冬十月至今三月而塘成凡是役邦人亟請於州於部使者前太守李公以錢三百萬提舉勾公岳公繼以米四百斛倡民興之民亦輸錢累至四百三十二萬起淳熙十有一年而事不集今靡錢一千一百萬而弛民錢六百五十餘萬不取邦人以是役爲宜書而屬予焉以予所聞於公者如此况州縣官數易事彌廢熙寧考課又削橋道弗擬世相蒙習以偷爲得閒有興作則議者顧曰是希進務以出名迹則又曰是一切厲民爲美觀耳則又曰彼將以爲利長吏雖欲自信而不得騁公以法從舊人起家爲郡且復用矣向使過計收聲養尊安用事事而獨意鄉不撓愈勇以今較昔難易淹速是皆宜書然公他所爲便民者雖多而其大者在石塘水行御艦陸行蹠踵更相和歌不爭以賀夾河老翁有年七八十者攜持小兒嬉戲於其上不謂繼今民免於死或爲詩謠或香火以祝公且乞田二頃嗣歲積之蓋欲公德與是塘爲無窮云公名樞字持要前爲太子詹事兼吏部侍郎淳熙十四年三月記楊蟠南塘詩出門日已晚棹短路何長賴有風相送荷花十里香

陳

傳良南塘詩榮陽居士居罕出高堂華屋安於山人自  
塾溺豈關我乃復辛苦事所難徒枉未成天欲寒風吹  
溱洧波漫漫安得亟語賢刺史刺史愛民如赤子翁  
卷南塘卽事半川寒日滿村煙紅樹青林古岸邊漁子  
不知何處去渚禽飛落拗船元鄭昂舟至南塘繞  
過南塘驛湖光便可憐漁翁低撒網溪女笑撐船仙館  
孤蓬頂譙樓五里前兼元末拆毀近修復塘鋪大路嘉  
旬不相見稚子定忻然志乾隆志國朝王夢篆南塘詩  
暫停船多紛蠅旋市早集魚腥估客占潮信居人乞廟  
靈日中齊覓醉一笑獨予醒又自南塘泛舟至茆竹  
嶺永嘉山水都出門遠近好不須扶杖行便買一舸小  
逢人交臂閒相失疾於鳥啣軋過南塘漸覺市聲少依  
微見遠村屋脊露竹杪泛宅各到門屏藩編叢篠誰家  
木芙蓉清霜拒獨早再過狀元橋青山復迴抱夙昔禦  
海氛於茲建旆旒時清靖烽煙荒涼但空堡舍舟戒僕  
夫擔囊陟嶺表煙波國朝嘉慶二十五年塘路大脩  
忽改觀幾家瀕海島紳士葉際運葉仙桂戴景勳陳廷  
應涵諸景川葉信鍾葉調賓等捐築新簷同治十二

年又脩

紳士葉文淦率子葉浚及葉錫金葉國欽葉芬葉芝壽葉培德堂葉裕德堂共捐四千多金脩

復有碑

〔新墓〕

花柳塘

在大南門飛霞洞前有黃湖埭

〔乾隆志〕

朱彝尊詩山雪

初銷盡春塘亂水喧

州人還幾日相見樂遊原

〔端木〕

國瑚詩永昌春社好煙水上南塘月照花林入風吹柳路長詩魂迷謝客仙氣得劉郎不看華筵去黃昏有底忙

黃石山南塘

在城東南五十里延袤二千五百餘丈南

濱大河

〔乾隆志〕

和尚塘

在膺符鄉

〔乾隆志〕

石瀨塘

在城東南十六都吹臺鄉

〔嘉靖志〕

瞿嶼山塘

在九都塘有二一在山南通郡城南門舊係

頭陀李清印修砌一在山北通郡城東門隆慶初道人

徐道蒲募緣砌

嘉靖志乾隆志湯志

外沙新埭

在鎮海門外外沙浦

府志

朱村埭

在鎮海門外朱村浦

嘉靖志

福昌埭

乾隆志在鎮海門外舊水寨側

黃湖埭

乾隆志在飛霞洞前

倪埭

嘉靖志在一都周

稍埭

嘉靖志在黃石山南

陳大埭楊家匯埭

嘉靖志在三都

翁師埭廟

前埭

康熙志在三都

呂家埭陳八河口埭

乾隆志在三都明王叔果築楊家

匯埭

詩茲鄉麗海隅河渠故淺小雨陽稍愆期輒見苦

旱潦

塘埭數潰崩關繫此非渺及時亟繕脩使民亦佚

道水

衡卽司存驚看陸成沼官司煩督策里甲徒紛擾

畚築

既鮮功逝波若傾倒豈惟魚鼈殲且懼禾苗槁伊

予夙明農所憂在百畝

蕒竹埭

覩坊

庸考誠足惠鄉閭一費何足寶

舊名直

軍前大埭

康熙志俱在五都茅竹山址

以上十四埭今俱廢

新纂

永嘉場隄塘

在二都康熙閒鄉民自築

乾隆志

天妃宮埭

在三都藍田

新纂

龍濟埭

娘娘宮埭

俱在四都江滸康熙閒鄉民自築

乾隆志

東平埭

在六都茅竹山之東舊山北有田數百頃中有

河自一都至郡城舟楫皆通而以軍前大埭北截江湖

宋紹興二十四年埭決田地悉圯於江始分築平水埭

於山之東西焉

國朝咸豐三年夏六月東埭決紳士

張顯承等捐資築復

嘉靖志乾隆志新纂國朝吳王倫築東平埭記隄在蛟海之中其



地西南高而東北下郡山溪諸水皆由西南而注於東  
北沿江一帶設陡門以資蓄洩必築塘埭以捍羨盈茅  
竹去郡城三十里攷邑志地有東平埭始於宋紹興閒  
歷元明迄今禦鹹蓄淡民生實利賴焉咸豐三年夏六  
月天降災疾風甚雨十晝夜河流衝激埭竟潰而河水  
隨江潮消長良田變爲渚鹵矣里有上舍張君顯承茂  
才楊君海珊國子生張君世澄松筠等出而倡首捐輸  
爲謀脩築顧茲事體大埭之決口大且深計長四十丈  
計深千餘丈商此役者不於河之要隘先築備埭以堵  
山水則內外流之相搏勢且兩妨又或遇庸工不諳以  
土堰水之法輕嘗倖試之必敗費且虛靡樂有世習版  
築者募之與之審勢揆方購料籌費庀材興工諸法敏  
且善始於七月十九日告蒞於九月廿八日總需費二  
千一百零緡其費酌田之遠近定捐之等差計數所出  
猶不足十之七張君顯承與世澄復能於應捐外加捐  
錢七百三十六千零以落之里之人德之僉乞予記予  
竊以爲埭之有利於邑都也非自今然也昔宋范文正  
築海塘而民樂改姓趙尙寬脩陂渠而地復爲膏腴元  
明以來設都水監立捍海塘而衆欣樂利茲東平埭雖  
小而諸君之勇於公義或慷慨輸金或區沒任事不掠

美不矜能卒有以障江衛河保護田疇令閭  
場均受其利者厥功亦不少也因爲之記

西平埭 在茅竹山西明嘉靖三十三年埭決縣委耆民

張承本脩築 國朝咸豐六年秋被潮衝圯鄉賓楊承

恩等奉縣諭脩旋圯續自變措千餘金加築半載始固

至今有利田疇

嘉靖志  
新纂

泄漏埭 在潭頭

乾隆志

陸家北埭在史村

乾隆志

陸家南埭

在下村

乾隆志

俱坐六都宋乾道丙戌再築地形稍高民

居稠密今其下皆漸淤成田

嘉靖志

此埭又名狀元橋上

下二埭 國朝咸豐三年秋二埭水溢壞地紳楊景啟

林吉階楊耀芳脩整五年秋潮又壞乃以鉅費加築並

議抽捐漁行仲息為歲脩費

新纂

蒲洲埭

即八字大埭

在八都

去城廿里

此埭衛永瑞二邑及溫衛

二十四萬田畝悉資灌漑長計四十餘丈明正德十六

年風潮蕩壤推官程資督脩

嘉靖志

明王瓚記略蒲州之陽去永嘉縣治二十

里許有河濱海當潮汐之衝向嘗夾隄為防邇來隄塌河決民病之正德庚辰新安程侯資以進士起家節推吾溫按屬至彼民上其事侯乃請於郡守陸公鰲廣集衆議出公帑命縣募祝鷺督其役累石為肌樹木為筋築土為塼務為經久之圖侯復旦夕焦勞往來巡視不期月厥工告成義民張秉肅高廷器耆民邵良忠王公睦王公堯糧長葉杲皆宣力於是隄者也嘉靖三十四年再壞府委耆民陳守岳脩萬厯二年又壞郡守楊邦憲重脩增高而每遇秋漲各鄉被淹郡守衛承芳乃準水則設水湫九處

詳分

於蓄洩得宜 國朝順治十四年巡按王元曦命有司

加葺康熙九年通判施王澤督脩乾隆十六年知縣徐

維綱詳請脩築二十六年知縣崔錫興工委原任江山

典史閻桂卿督脩士民有詩浙江通志萬曆志乾隆志咸豐三年六

月大風雨十晝夜平地水盈三尺此埭盡決但壞處廣

大可量而深沈無底難以建築奉巡道慶廉邑令張銑

諭里人葉品金就近擇建遂改築於關帝廟東長計三

十五丈闊計一丈五尺是役先令貢生葉冠瀛葉菁莪建九都橫河備埭葉品金築湯

家橋旺增橋暨黃嶼上江等處備埭以殺水勢至四年五月告成需費二萬多

金至今田疇利賴云新纂

附明姜準岐海環談既郡環海阻山諸山溪發源西南  
經絡原野間而下注於東北沿江故設陡隄以時蓄洩  
也蒲洲有長隄為永瑞二邑田疇所利賴者每數十年  
不免一潰自隆慶二年迄今歲所恒有其故由北山之  
路增高為梗以及陡門底積淤所障蓋緣北山之西地  
名鮑洲為水勢奔會之處水驟漲由此灌溢入江而沿  
江又有小徑民懼病涉因培高數尺濬則一障而東輒  
衝長隄其故一也陡門原視平字水則設夫啟閉奈泥  
污失濬因而汎濫其故二也今之欲去其患  
者莫如夷鮑州小徑濬陡門積淤之為得也

### 水湫九處

分設九都上中二埠明衛郡守築 一在垵

頭莊

今廢

一在大利莊

一在五顯廟西

一在西寮莊

咸豐三年六月風雨傾圮巡道慶廉知縣 一在賣茶莊

張鏡委里人葉品金脩復遂改築為大隄道縣亦委葉

咸豐四年閏七月間風雨河水漲溢遭圮後地民於原

品金擇水湫近處築大隄長計三十七丈

湫基內築土成一在元壇廟西 一在蒲洲莊今廢 一在

垵以利行人

牌上中埠莊 一在六都狀元橋三港廟西新纂

下垵埭 在八都上至蒲洲埭三里下接徐家橋直茅竹

嶺 國朝康熙五十八年風雨摧壞里人史公臣等捐

資重築咸豐三年夏大風雨又壞生員葉雲玉楊衡等

脩復新纂

黃洲埭 東角埭 倪家埭 俱在八都嘉靖志

天監埭 在九都乾隆志

宋奧埭 沙河埭 俱在華蓋鄉乾隆志 今遷改

榆木埭 楓木埭 陳家埭 俱在建牙鄉嘉靖志

何公埭 在十八都明知府何文淵立乾隆志 按疑卽曹埭

法華埭 在孝義鄉甌浦上村東接建牙吹臺上河支流

西溉太平寺前垵附郭等田至黃家輿而止埭下有浦

去江五里

嘉靖志

謝婆埭

在甌浦下村

水利與法華同

明萬厯

二十五年郡守劉芳譽捐俸重築

浙江通志嘉靖志明王叔杲重築謝婆

埭記略永嘉控山帶海城以南為田數千頃三溪之水  
紆迴環繞互相流灌往自南河關一洳以洩之江故每  
遇旱乾常苦失潤舊築法華以闌之負郭之民相度窳  
會因廢之而築謝婆埭之闊可弓而畫然瀦蓄三溪  
灌漑萬頃闔郡賴之嘉靖中駟僧之徒利舟楫之便借  
堪輿說惑當事者聽而改築江口之蓮花浦地勢淤  
卑風潮蕩激輒廢輒脩而民竟苦汙萊不獲享蓄洩之  
利萬厯二十三年劉侯以名御史來守是邦厘心民隱  
而得此埭廢興之故下邑侯林君議林侯悉心籌畫  
日程工選於民得田君諫方准鮑易黃循日犒督之藉  
土於淤取石於山  
不踰時而工告竣

蓮花埭 在廣化廂五堡自法華既廢設謝婆埭於甌浦

下村嘉靖中改設蓮花浦萬厝間劉郡守復下村故址

國朝康熙十三年遭耿變埭與橋毀寇平復建三十

八年紳士謝天埴等呈憲移建於浦橋內仍名謝婆埭

雍正五年巡道王歛福知府芮復傳知縣羅秉禮率紳

士薛英等移建於浦橋外名蓮花埭蓄洩建牙諸鄉水

禦鹹潮防水旱地稍移而名屢易其實一埭也

府志

驛頭埭 在菰溪港口二十六都橫山

是處眾溪交匯舊有淹沒田五千餘

畝光緒初年總辦鹽釐局鄒太守仁溥倡議築埭攔護未及舉行繼之者梁太守銘樹於五年秋委西溪巡檢金光煦督築計長一百四十餘丈動用恤養公款存錢五千串埭成按年交穀五百石歸還前款立碑紀事互



詳庶政

上沽埭

下沽埭

朱干埭

陡前埭

俱在泰清鄉

舊志

泉塘埭

在仙桂鄉

嘉靖志

白象埭

在賢宰鄉三十六都康熙二十一年鄉民自築

乾隆志

門閘

廣化陡門

在迎恩門外因郭公山麓爲之凡五間洩水

最駛遇潦則首開此門

嘉靖志

西郭陡門

在迎恩門外廣濟橋西明洪武辛亥年創嘉

靖間改築石壩與海壇陡門水嫌兩洩

嘉靖志府志

海壇陡門 在奉恩門爲城內水出處遇旱則開閘引潮

入城潦則盡開放之以洩城中穢濁明宏治戊午郡守

文林疏濬後復淤塞

萬厯志

按陡門卽水門中閘舊時門外設二閘門內設一閘又設

埭每間置板四繫以鐵索國朝以來水門既塞閘埭久廢雍正年間巡道王欽福率屬倡復水門設一門一

閘於門內日久埭圯閘壞無以禦蓄

國朝乾隆二十一年鄉耆樊泰岳

等呈請重脩

府志

今亦久廢急宜脩復

新纂

山前陡門 在黃土山前以節城外南塘之水宋紹興間

郡守趙不羣築國朝康熙初年諸生林兆甲等請重

脩

嘉靖志  
乾隆志

山後陡門

在黃土山後

嘉靖志

外沙陡門 在鎮海門外舊名堰頭歲久廢圯潮入內河  
涸則為浦地成斥鹵明成化丁酉知縣文林鑿巨石脩  
築布橋立閘廢福昌黃湖二埭以通花柳塘民甚利之

嘉靖志  
乾隆志

黃焦陡門 在一都芙蓉巖乾隆志今廢按芙蓉巖即笑客巖字形相近而訛

四顧陡門 在一都俗名新陡門新墓

鹹田即藍田陡門 在三都嘉靖十一年築嘉靖志

黃石陡門 在三都寧村所城外舊名方汶嘉靖志  
乾隆志

黃壇陡門 在四都山北康熙八年奉文內徙被廢光緒

三年鄉民捐建新墓

龍灣陡門

在四都舊名蠣崎

嘉靖志

茅竹陡門

在五都茅竹嶺西計三閒初茅竹有埭宋慶

元六年苗將穫而澇邑人陳熊請決此埭後自償築當

道許之秋稼得穫熊請傍山趾剏陡門冀免水患遂有

茅竹陡門之始元初湮塞大德閒縣尹王安貞開浚明

宏治乙卯知縣林廷璫加築

嘉靖志

國朝光緒丁丑通

判普慶撥公頃諭廩生葉寶華督脩

新纂

西江浦新洲二陡門

俱在七都康熙閒鄉民自築乾隆

十六年知縣徐維綱詳請脩築二十六年知縣崔錫詳

委典史閻桂卿督脩

乾隆志

瞿嶼陡門

俗名下陡門

在九都二里瞿嶼山麓計四間左負

巖右鄰浦因山腳巖石爲之右臂又有埭以扞浦上有

石橋洩水最駛宋郡守楊簡脩築右臂石塘更存新埭

以爲外護明宏治九年郡守陸潤加築

嘉靖志

國朝道

光癸卯貢生葉冠瀛捐葺同治癸酉通判普慶諭里人

葉佩薰陳洲陳慧哲重脩增設內閘四閒佩薰有記

新纂

石墩陡門

俗名上陡門

在九都石嶼村明宏治九年郡守陸

潤脩築上立石橋三閒旁砌石埭

嘉靖志

國朝同治甲

戌通判普慶諭里人鄭登墀等募捐重脩

新纂

羅浮陡門

在三十四都康熙十一年里人築

康熙志

城南新閘 在瑞安門外舊釣橋東（府志）

白水監閘橫山閘淨居新閘（萬厯志）俱李浦閘應家閘大

小頭閘淨居閘（萬厯志）俱乾元閘倉頭閘（萬厯志）俱今

俱無從稽考（新纂）

天窰閘 在九都（萬厯志）

范公閘 在二十都范公浦（萬厯志）

### 海塘

沙城（即濱海）在永嘉場明嘉靖年築（明吉水羅洪先記）

而永嘉沙場東墊於海土不能隄思易以石舊矣嘉靖甲午羅山張公入相有王瑞者以溪橋王公鉦指引疏於朝有司畏其難又若干年戊申諸生張岑與里人王九慶鄭守琳等復請於巡按御史曰是為吏者之所避

難也乃機瑞安丞曹龍與義士王崇教陳宗岳王宗德  
周公祐李承寵等議城南起一都長沙北至沙村寨以  
丈計之至四千六百一十九丈之長方尺者十之以爲  
高五之以爲厚其費至五千四百兩有奇悉出郡邑之  
羨而官民不與焉三載城成外足以謝震囓而遏寇略  
內足以固斥鹵而資灌漑司其事者致仕參議王澈及  
參政項喬之力爲多項喬記略沙城工程廣浩前此  
有力者畏難中阻以致王瑞奏案又束高閣嘉靖二十  
七年春御史按郡諸生張岑仗義條陳總催鄭守琳因  
呈其事公謂此民隱之大者豈異人任竟毅然委瑞安  
丞曹龍與義士陳宗嶽等議出鹽課餘銀三千餘兩伐  
石築之以耆民項世習王宗拱王國勲張伯員林蘊滿  
等四十人分界督工未竣明年近淮董公威來代又  
毅然必欲終其事顧前銀不給駐溫浹月督徵本院下  
歷年贖二千餘兩足之分守少肩譚公榮卽單騎躬  
至其地集前耆及續報高文儀等十四名傳宣二公爲  
國爲民之本心商議可大可久之方略通守南川何公  
洛督其役量工刻限日月至焉以課其勞斯役也非少  
眉公長慮溫言不足以厭爲衆竭力者之心非南川公  
恭上戢下不足以亟成一勞永逸之績要之皆有大功

德於民義當  
刻石紀之

按沙城爲捍海而設今塗漲充斥離城十

里之強建一總埽爲隄防而城雉久已湮沒矣

新纂

長沙塘

南至一都芙蓉巖起至三都甯村城外長四千

七百六丈

乾隆志

山北塘

南自三都藍田馬道北至四都三錯塘長一千

五十丈雍正四年丁歸地徵永嘉場新墾蕩田一萬二

千餘畝攤抵竈丁課銀因蕩田東濱大海潮汐往來難

以開墾乾隆十三年奉文給發涵耗銀兩建築塘埭始

成禦鹹蓄淡爲一方水利之要

乾隆志



永嘉縣志卷之二